

Carta na jnda we cwentaa nn'aⁿ tsjoom Corinto

Xmaⁿndye nn'aⁿ na cwila'yu' tsjoom Corinto

¹ Mannco Pablo, cwiluiindyō apóstol, ts'aⁿ na maty'iom Jesucristo ts'iaaⁿ. Matseicwanōⁿya cartawaa ñequio Timoteo na m'aⁿl' o' tmaaⁿl' nn'aⁿ na macwji' Ty'oōts'om cwentaaⁿaⁿ na m'aⁿyo' tsjoom Corinto ndo' mati ndaa cha'tsondye nn'aⁿ na cwilayu' ñ'eⁿñê na m'aⁿ ts'ōndaa Acaya. ² Nquii Tsotyaaⁿ Ty'oōts'om ñequio Jesucristo na cwiluiñê na matsa'ntjoom jaa, quiana na nnto'ñoom'yo' naya na laxmaⁿna ñequio na tjaañomtiuu c'om'yo' jo ndaana.

Matseiñjoom' Ty'oōts'om jaa na wi' na cwitjooⁿya

³ Cwila't'maaⁿndyô Ty'oōts'om na m'aaⁿ na wi' ts'oom jaa ndo' na matseiñjoom'm jaa. Jom cwiluiñê Tsotye Jesucristo na matsa'ntjom jaa. ⁴ Manquityeeⁿ mañequiaaⁿ na cwiñ'omt'maaⁿndyô n'ooⁿyâ nawi' na cwiwinooⁿyâ. Luaa' mach'eeⁿ cha' nla'xmaaⁿyâ na nndaⁿ ñequiaayâ na t'maⁿ n'om nn'aⁿ na cwiwinom nawi'. ⁵ Ee na matcuuti na cwilajomndyô ñequio Cristo nawi' na teinoom, juu nawi'ñeeⁿ matseijndaa'ñena' na t'maⁿti mañequiaaⁿ na cwiñ'omt'maaⁿndyô n'ooⁿyâ. ⁶ Ndo' nc'e na ljo', quia matseijaa'ñena' nawi' na cwiwinooⁿyâ, luaa' waa cha nntseiñjoom'na' 'o ndo' na nlui'n'maaⁿndyo' ee quia matseiñjoom' Ty'oōts'om jâ, mach'eeⁿ na ljo' cha mati

nantseiñjoom'na' 'o nawi' na cwiwinom'yo' ndo' na nlui'n'maaⁿndyo' ndo' nc'e jo' ñequio na t'maⁿ n'om'yo' nndaꞗ nla'quii n'om'yo' na cwtjom'yo' nawi' cha'xjeⁿ cwiwinooⁿyâ. ⁷ Ee tyeⁿ waa na cwicantyjaa' n'ooⁿyâ jo nnom Ty'oots'om cantyja 'naⁿyo', ee manquiuyaayâ quia maleichuuwi'na' 'o cha'xjeⁿ na cwtjooⁿyâ, mati mañequiaaⁿ na cwiñ'om't'maaⁿndyo' n'om'yo' cha'xjeⁿ na mañequiaaⁿ na cwiñ'oⁿt't'maaⁿndyô n'ooⁿyâ.

⁸ 'O nn'aⁿya na cwila'yu'yo', l'ue n'ooⁿyâ na caliu'yo' cantyja 'naaⁿ nawi' na tyotseijaa'ñena' nacjooyâ xjeⁿ na tyom'aaⁿyâ ndyuaa Asia. S'aana' na jeeⁿ jaa' juuna' hasta na ntycwii na m'aaⁿ n'ooⁿyâ na nlui'n'maaⁿndyô naquii' nawi'ñeeⁿ, ndo' na ljo' jla'tiuuyâ maxjeⁿ nntseicwjetona' jâ. ⁹ S'aana' nquiuyuuyâ na matseijomna' jâ cha'na nn'aⁿ na jnda teijndaa' na mañejom na cwje. Tuii na ljo' cha ca'moⁿyana' ndaayâ na ñequii'cheⁿ c'ooⁿyâ na quit'maⁿ n'ooⁿyâ Ty'oots'om na mañequiaa na cwitando'xco nn'aⁿ na jnda tja, meiⁿ tanc'ooⁿyâ na ntyjaa' n'ooⁿyâ chiuu cwilaxmaaⁿ nncjooyâ. ¹⁰ Jnda seicandyaañê jâ nawi' t'maⁿñeeⁿ. Ndo' ndicwaⁿ matseicandyaañê jâ. Jo' chii jom ntyjaa'tyeⁿ n'ooⁿyâ na mati xuee na wjaatina' nntseicandyaañetyeeⁿ jâ, ¹¹ xeⁿ 'o cwiteijndei'yo' jâ na cwilaneiⁿyo' nnoom cantyja 'naaⁿyâ. Ee quia majndye nn'aⁿ cwtjeii'na ncueeyâ jo nnoom, nnts'aana' na majndyendyeti nn'aⁿ ñequiana na quianl'uaaⁿaⁿ na matio'naaⁿñê jâ.

Waa na seitsaaⁿñena' na tîcjaa Pablo Corinto

12 Waa cwii nnom na mañequiaana' na neii^{nyâ} cantyja 'naaⁿ juuna' na juu na m'aaⁿya n'oo^{nyâ} matsona' na cwitsaam'aa^{nyâ} quii'ntaaⁿ nn'aⁿ cha'xjeⁿ macaⁿna' na c'oom ts'aⁿ na jnda tqueⁿ Ty'ooots'om na cwiluiiñe cwentaaⁿaⁿ na lju' ts'om ndo' mat'ma^{ntiche}n cwilaxmaa^{nyâ} na ljo' jo ndaa 'yo' nc'e juu naya na matseixmaaⁿ, nchii cwe' na jndo' n'ooⁿ ncjooyâ. 13 Naquii' joo cartas na cwila'cwanoo^{nyâ} na m'aⁿyo' tomti cwit'mooⁿ joona' cha'xjeⁿ ñ'oom na cwiwiljeii nacjoona', ndo' cha'xjeⁿ na cwila'naⁿyo' ndo' na cwila'noⁿyo' ljo' cwila'candii joona'. Ntyjaa'ya cwii ts'oo^{nyâ} na nncue'ntyjo na canda^a' nla'noⁿya'yo' cantyja 'naa^{nyâ}, 14 cha meiiⁿ na cwe' cwantindyo cwila'noⁿyo' cantyja 'naa^{nyâ} je', saa juu xuee quia na nncwjee'nnda' Ta Jesús na cwila't'maaⁿndyo, 'o nnda^a nla't'maaⁿndyo' jom cantyja 'naa^{nyâ} cha'xjeⁿ já nla't'maaⁿndyô jom cantyja 'naⁿyo'.

15 Nc'e na luaa' waa na ntyjaa'ya cwii ts'oo^{nyâ} cantyja 'naⁿyo', seitiuuya na wendii' nncwinooⁿ na m'aⁿyo' na nty'iaya 'o cha we ndii' nñequiaana' na neiⁿyo' na nty'ia'yo' ja, 16 ee seitiuuya na nty'iaya 'o na mawinoo^{nyâ} na majo ts'ondaa Macedonia, ndo' na nty'iannda'a 'o quia na nndyolcwa'a na nnaa^{nyâ} jo' jo', ndo' na ljo' 'o nnda^a nnteijndei'yo' ja na jojoty^a na nncua^a ndyuaa Judea. 17 Ndo' na luaa' seijndaa'ndyo, ¿aa mach'eena' nquii'yo' na cwe' na s'aato na seijndaa'ndyo na luaa'? ¿Aa cwitjei'yo' cwenta na mats'aa cha'na mach'ee ts'aⁿ na m'aaⁿ cantyja 'naaⁿ tsjoomnancue quia matsjoo “majo'ndyo” cwii ñ'oom saa ndanquia cwiwitquioo' na

ma'moⁿna' na “nchii jo’”, ndo' xeⁿ matsjo^o na nchii jo' cwii ñ'oom, saa ndanquia ma'moⁿna' na majo'ndyo juuna'? ¹⁸ Saa macwji'yuu'ñe Ty'o^ots'om na nchii la'xmaa^{nyâ} nn'aⁿ na mañejuu xjeⁿ cwil'uuyâ ndaa'yo' na waa na l'aayâ saa tical'aayâ. ¹⁹ Juu Silvano ñ'eⁿ Timoteo ñ'eeⁿna ñ'eⁿndyo na tyoñequiaayâ ñ'oom naya ndaa'yo' cantyja 'naaⁿ! Jesucristo Jnda Ty'o^ots'om. Ñ'oom'ñeeⁿ nchii we ndii' tseixmaⁿna', na waa xjeⁿ na majo'ndyo ndo' waa xjeⁿ na nchii jo'ndyo juuna'. Cantyja 'naaⁿ! jom, ñequii'cheⁿ tseixmaⁿ ñ'oom'ñeeⁿ ñ'oom na mayuu'. ²⁰ Ee cantyja 'naaⁿ! jom, cha'tso ñ'oom na tso Ty'o^ots'om na nnts'aaⁿ, laxmaⁿ joona' na majo'ndyo nc'e Cristo. Ndo' na ljo', quia cwila't'maaⁿndyo Ty'o^ots'om, cwil'uuya Amén cantyja 'naaⁿ! Cristo Jesús. ²¹ Ee ñequii'cheⁿ mañequiaa Ty'o^ots'om na 'o ndo' jâ cwiljoo'ndyotyaa^{ny} cantyja 'naaⁿ! Cristo ndo' jnda tqueeⁿ na cwiluiindy^o na lju' n'o^ony^a. ²² Ndo' cha m'moⁿna' na cwiluiindy^o cwentaaⁿaⁿ, jnda tquiaaⁿ Espíritu Santo quii' n'o^ony^a, cwii na matseicandiina' na nnto'ñ'o^ony^a cha'tso na matseijndaa'ñê.

²³ Macaⁿa nnom Ty'o^ots'om na cwji'yuu'ñê cantyja 'na^{ny}a na matseinã^{ny}a ñ'oom na mayuu'. Tîcjo tsjom'yo' quia na seijndaa'ndyo na ncjo jo' ee na wi' ts'o^ony^a 'o ee xeⁿ tjo na m'aⁿyo' jn-dei'na na nntseitia'a 'o. ²⁴ Ee nchii ñe'quaa^{nyâ} xjeⁿ 'o cantyja na cwila'yu'yo' ee 'o xcweti waa na cwila'yu'ya n'om'yo' ñ'eⁿ Ty'o^ots'om. Saa nc'e na ñe'cateijndeiiyâ 'o na c'om'yo' na neiiⁿti n'om'yo'.

2

1 Jo' chii seijndaa'ndyo na maxjeⁿ tîcjo na m'aⁿ'yo', tints'aa na nntseichjoo'na' n'om'yo'.
 2 Ee xeⁿ cantyja 'naaⁿ' na ljo', nnts'aa na nntseichjoo'na' n'om'yo' ndo' na ljo' ntjom'yo', ¿ñeeⁿ ñnequiaa na neiⁿya? Macanda 'o ee xeⁿ na maxjeⁿ tjo je' jnda s'aa cwii nnom na seichjoo'na' n'om'yo'.
 3 Cwe' jo' na seiljeiya ñ'oom'ñeeⁿ na seicwanõⁿya na m'aⁿ'yo' ee tiñe'cjonty'ia 'o na nl'a'yo' na chjoo' ts'ooⁿ ee matsona' na 'o ñnequia'yo' na neiⁿya.
 4 Ee sei'ndaa'na' ntyjiya quia seiljeiya carta'ñeeⁿ, s'aana' na jeeⁿ jnda ntyjiya hasta ty'ioõya. Nchii seiljeiya juuna' na catseichjoo'na' n'om'yo' saa cha cala'noⁿ'yo' na juu na jeeⁿ wi' ts'ooⁿya 'o jeeⁿ t'maⁿ tseixmaⁿ'na'.

Cala't'maⁿ n'omna ts'aⁿ na seitjooñe

5 Saa xeⁿ m'aaⁿ ts'aⁿ na s'aa na chjoo' n'om nn'aⁿ, nchii cwe' tomti ja na tquiaaⁿ na chjoo' ts'ooⁿ, s'aaⁿ na ljo' ñ'eⁿ cha'tsondyo' 'o, meiⁿ nchii cwe' na mawinoⁿ'a na matsjoo na ljo'.
 6 Saa je' malei'tyeⁿ jnda tuii chiuu na majndyendyo'ti'yo' jla'jndaa'ndyo' na catioom cantyja na seitjooñê.
 7 Je' macaⁿ'na' na cala't'maⁿ n'om'yo' jom ndo' quia'yo' na t'maⁿ ts'oom, tints'aana' na juu na m'aaⁿ na chjoo' ts'oom na seitjooñê nncjan'oomna' jom na tacantyjaa' ts'oom Ty'oõts'om.
 8 Jo' chii macaⁿ'a ndaa'yo' na cat'moⁿ'yo' na jnda nquiuy'yo' jom.
 9 Seiljeiya carta'ñeeⁿ na seicwanõⁿya na m'aⁿ'yo' cha nleitquioo' aa nla'canda'yo' ñ'oom na maquaⁿya ndaa'yo'.
 10 Ee meiⁿ cwi'ñeeⁿ cheⁿ ts'aⁿ na cwila't'maⁿ n'om'yo' mati ja matseit'maⁿ

ts'ooⁿ tsaⁿñeeⁿ, ndo' meiⁿnquia 'ñeeⁿ na jnda seⁱt'maⁿ ts'ooⁿ, jo nnom Cristo mats'aa na ljo' na cateijndeina' 'o, ¹¹ cha tincwantjom Satanás jaa ee manquiuuyaaya chiuu mayaaⁿaⁿ.

Waa na seitsaaⁿñena' Pablo tsjoom Troas

¹² Quia na tjo tsjoom Troas na nñequiaya ñ'oom cantyja 'naaⁿ Cristo ndaa nn'aⁿ tsjoom'ñeeⁿ, t'maⁿ tju'naaⁿñena' na nndi'ntjoⁿya nnoom jo' jo', ¹³ saa meiiⁿ na ljo' tñeiquiaana' na ya ntyjii ee tñc'oomñe ti'nn'aaⁿya Tito. Nc'e na ljo', tsjooya ndaa naⁿñeeⁿ majoya, jluii'a na m'aⁿna, jndyoondyeyuya ñjaaⁿ ts'ondaa Macedonia.

Cwicandaa cwitantjoⁿya nc'e na m'aaⁿya nacje 'naaⁿ Cristo

¹⁴ Matseit'maaⁿndyo Ty'ooots'om na jeeⁿ quianl'uaaⁿaⁿ. Ee nc'e na m'aaⁿya nacje 'naaⁿ Cristo, jo' na meiⁿyuucheⁿ na cwitsaayâ, ñequii'cheⁿ nqueⁿ wjaachom jâ na cwicandaa na nnaⁿndyô meiⁿljo'cheⁿ na cwitjoⁿya. Jo' chii ñequii'cheⁿ mawil'uee'ñê jâ na 'oondye nn'aⁿ ñ'oom naya 'naaⁿaⁿ. Juu ts'iaaⁿmeiiⁿ matseijomna' juuna' cha'cwijom na maju'na' jndye cachi ndaana. ¹⁵ Ee jaa nn'aⁿ na cwilayuu'a ñ'eⁿ Cristo matseijomna' cha'cwijom tsioom suu na mañequiaaⁿ nnom Ty'ooots'om na cwit'oom'na' quii'ntaaⁿ nn'aⁿ na cwicalui'n'maaⁿndye ndo' mati nn'aⁿ na 'ootsuundyena. ¹⁶ Jo ndaa nn'aⁿ na 'ootsuundyeye laxmaaⁿya cha'cwijom cwii jndye na matseicwjeena' joona saa jo ndaa nn'aⁿ na cwilui'n'maaⁿndye laxmaaⁿya cha'cwijom cwii jndye na mañequiaana' na cwita'ndo' añmaaⁿna. Meiⁿ tjaa 'ñeeⁿ c'oom na cwe' cantyja 'naaⁿ nquii

na nleinaaⁿ na nnts'aa ts'iaaⁿmeiⁿ. ¹⁷ Ee m'aⁿ nn'aⁿ na cwit'mooⁿ ñ'oom' Ty'oots'om cwe' cha nnda^a nnta'ntjomna cantyja 'naaⁿna'. Saa já na cwiluiindyô apóstoles, ñequio na xcwee'ya n'ooⁿnyâ cwiñe'quiaayâ ñ'oom'm ndo' cwiluiindyô nn'aⁿ na cwindye'ntjomtyeⁿ nnom Cristo.

3

Ñ'oom na tijoom cachuii' na matseijndaañe Ty'oots'om

¹ Quia cwil'uuyâ na luaa', ¿aa m'aaⁿ n'om'yo' na cwitoo'nnda'â na cwila't'maaⁿndyo cheⁿcjooⁿyâ cantyja 'naaⁿ ts'iaaⁿ na cwil'aayâ? Oo ¿aa cwila'tiuu'yo' na macaⁿna' na nntsañ'ooⁿnyâ cartas na cwilue nt'omcheⁿ nn'aⁿ na jeeⁿ canda^a ts'iaaⁿ na cwil'aayâ? Oo ¿aa nntaaⁿnyâ na quia'yo' carta na nndu'yo' na jeeⁿ canda^a ts'iaaⁿ cwil'aayâ? Nt'omcheⁿ nn'aⁿ luaa' cwil'ana. ² Saa mancjo'ti'yo' cwiluiindyo' cha'cwijom cwii tsom na teiljeiina' naquii' n'ooⁿnyâ na ma'moⁿna' ndaa nn'aⁿ na cwijaacañjoom' ts'iaaⁿ 'naaⁿ Ty'oots'om na cwiluii quii'ntaaⁿyo'. Nc'e cantyja 'naaⁿ juuna' nnda^a nljeii ts'aⁿ chiuu waa ts'iaaⁿ na tyots'aa quii'ntaaⁿyo' ndo' nnda^a nndii na jla'ljo'yo' Jesucristo. ³ Cwiwitquioo'ya na 'o laxmaⁿyo' cwii carta na nquii Cristo seiljeiⁿ cantyja 'naaⁿ ts'iaaⁿ na jnda macwil'aayâ quii'ntaaⁿyo', na nchii teiljeii juuna' ñequio ndaantom, saa ñequio Espíritu Santo, meiⁿ nchii nacjoo' lcaa'ljo' saa teiljeiina' naquii' n'om'yo'.

⁴ Manquiuuyaayâ na luaa' waa ee cwicanty-
jaa' n'ooⁿnyâ Ty'oots'om nc'e Cristo. ⁵ Meiⁿ nchii

ncjooyâ waa cwii nnom na laxmaa^{nyâ} na ndaa nl'uuyâ na jeeⁿ cwijaacañjoom' ts'iaaⁿ 'naaⁿ'aⁿ na cwil'aayâ, nquii Ty'oots'om mañequiaaⁿ na cwijaa-cañjoom' cwil'aayâ juuna'. ⁶ Nqueⁿ jnda ty'oom ts'iaaⁿ jâ na cwicandaa cwindya'ntjoo^{nyâ} cantyja 'naaⁿ ñ'oom na tijoom cachuii' na mañequiaana' na nlui'n'maa^{ndye} nn'aⁿ. Juu ñ'oom'ñeeⁿ waa na-jndeina' na matseijndaa'ñena' na cwita'ndo'xco añmaaⁿ nn'aⁿ nc'e Espíritu Santo. Nchii maque^{na}' xjeⁿ nn'aⁿ cha'xjeⁿ mach'ee ljeii naqui. Ee ljeii'ñeeⁿ matseijndaa'ñena' na cwje nn'aⁿ.

⁷ Juu ljeii na tqueⁿ Moisés, teiljeina' cjo' lcaa' ljo'. Ñeseixma^{na}' na caxueena' hasta tyoch'eena' na caxuee nnom Moisés, meiⁿ leicandaa nty'iaa nn'aⁿ Israel nnoom ndo' juu na caxuee nnoom che^{ndyoch}eⁿ tjanduu'na'. Juu ljeii'ñeeⁿ na seijndaa'ñena' na cwiwje nn'aⁿ, tyjee'na' ñequio na caxuee na cwiluiiñe Ty'oots'om, ⁸ nc'e na luaa' tyotseixmaⁿ juu na caxuee'ñeeⁿ, cwanti t'ma^{nti} tseixmaⁿ ñ'oom na tijoom cachuii' na cwito'ñoo^{ny}a na matseijndaa'ñe Espíritu Santo. ⁹ Ee xeⁿ juu ñ'oom na seijndaa'ñena' na nnt'uiitye^{na}' nn'aⁿ tyotseixma^{na}' na caxuee na cwiluiiñe Ty'oots'om, quia jo' juu ñ'oom na maqueeⁿ jaa na tjaa jnaⁿ jlaxmaa^{ny}a, t'ma^{nti} na caxuee na tseixma^{na}', nchiiti ñ'oom na tqueeⁿjñeeⁿ. ¹⁰ Meiiⁿ t'maⁿ na caxuee tyotseixmaⁿ ljeii na tqueⁿ Moisés, saⁿ juu ñ'oom na maqueⁿ Ty'oots'om jaa na tjaa jnaⁿ laxmaa^{ny}a, t'ma^{ntiche}ⁿ nacaxuee na tseixma^{na}'. ¹¹ Jo' chii xeⁿ juu ñ'oom'ñeeⁿ na ticwiyo' meiiⁿ t'maⁿ tyotseixma^{na}' na caxuee na cwiluiiñe

Ty'ooots'om, saa je' juu ñ'oom na cwiljotyen t'maⁿticheⁿ na caxuee na cwiluiiñê tseixmaⁿna'.

12 Nc'e juu ñ'oomxcowaa' mañequiaana' na cwicantyjaa' n'ooⁿyâ, jo' jo' na cwilanaaⁿyâ juuna' ndaa nn'aⁿ ñequio na t'maⁿya n'ooⁿyâ. 13 Meiⁿ tiquil'aayâ cha'na tyoch'ee Moisés na tyotseicataaⁿ aⁿ nnoom ñequio liaa cha juu na caxuee nnoom na ñeya tjantycwiina', titquioo' juuna' ndaa nn'aⁿ Israel. 14 Saa naⁿ ñeeⁿ ticala'noⁿna na luaa' tyoch'eeⁿ ee xjeⁿ je'cheⁿ quia cwila'naaⁿna ñ'oom tquiee'ñeeⁿ na tquiaa Moisés ndaana waa cwii na cha'cwijom liaa na matseicu'na' na nla'noⁿna na juu jo' macanda maquindyona' quia na matseyu' ts'aⁿ ñequio Cristo. 15 Ee xjeⁿ je'cheⁿ, quia na cwila'naaⁿna ñ'oom na tyoñequiaa Moisés, ticala'noⁿna juuna'. Matseijomna' cha'cwijom na ta' na nla'noⁿna juuna'. 16 Saa quia cwilcwe' ts'om ts'aⁿ jnaaⁿ na nntioñe l'o nquii na cwiluiiñe na matsaⁿntjom, matseicanaaⁿñena' na nntsei'noⁿ ñ'oom'ñeeⁿ. 17 Ee manquii na cwiluiiñe na matsaⁿntjom jaa, manquiityeeⁿ cwiluiiñê Espíritu, ndo' meiⁿquiayuucheⁿ na m'aaⁿ Espíritu na cwiluiiñê, jo' cwindyaandye nn'aⁿ. 18 Jo' chii cha'tsondyo jaa nc'e na ticata' ndaaya ñequio cwii liaa, matseijomna' jaa cha'cwijom tsjo'jnom na maju'na' na caxuee na cwiluiiñe Jesús na matsaⁿntjoom jaa, ndo' 'io ndi 'io matseijomtina' jaa cha'na nqueⁿ na jaawijndyeti matseit'maaⁿñena' jom na juu jo' cwinaⁿna' cantyja 'naaⁿ nqueⁿ na matsaⁿntjoom jaa, na cwiluiiñê Espíritu.

4

Macanda Jesucristo cwiluiiñê na matsq'ntjoom

¹ Jo' chii nc'e na m'aaⁿ Ty'o^oots'om na wi' ts'oom jâ na mañequiaaⁿ na cwilaxmaa^{nyâ} ts'iaaⁿmeiiⁿ na jeeⁿ cajndana', tica'ndya^aanc'uaa'ndyô na cwil'aayâ juuna'. ² Ndo' meiⁿquia na jeeⁿ jnaaⁿ na cwil'a nn'aⁿ na cwe' nty'iu, jnda tjei'ndyô cantyja 'naaⁿna'. Meiⁿ tjaa'naⁿ cwii nnom na cwil'aayâ cha ññequiu'nn'aⁿna' nn'aⁿ. Meiⁿ tiquilachuii'â ljo' na ma'moⁿ ñ'oom' Ty'o^oots'om. Ñequii'cheⁿ cwilanaa^{nyâ} ñ'oom na mayuu' ndo' nc'e na ljo' cwiñe'quiandyoñ'aa^{nyâ} jo nnoom mei'ljo'cheⁿ na m'aaⁿ n'om nn'aⁿ cantyja 'naa^{nyâ}. ³ Ee juu ñ'oom naya na cwiñe'quiaayâ, xeⁿ tseixmaⁿna' cha'cwijom cwii 'naⁿ na matseicu'na' ndaana, macanda ndaa nn'aⁿ na 'ootsuundy tseixmaⁿna' na ljo'. ⁴ Ee nn'aⁿ tsjoomnancue, cwe' nc'e na tyoola'yu'na, jo' chii juu na cwiluiiñê Ty'o^oots'om cwentaana matseicoom'm na nla'nôⁿna, jo' na tileiqueⁿna cwenta na juu ñ'oom naya cantyja 'naaⁿ Cristo na jeeⁿ cajnda tseixmaⁿna' na jom jluii'ñê nquii Ty'o^oots'om. ⁵ Quia cwiñequiaayâ ñ'oom, nchii cwilanaa^{nyâ} chiuu laxmaaⁿ ncjooyâ, saa cwilanaa^{nyâ} na Jesucristo cwiluiiñê na catsa'ntjoom ndo' na luaa', jâ cwiluiindyô na cwindya'ntjoo^{nyâ} ndaa'yo' nc'e na jnda nquiuuyâ Jesús. ⁶ Ee nquii Ty'o^oots'om na sa'ntjoom na cwixueeñe yuu na jaaⁿñe, manquiiyeeⁿ jnda s'aaⁿ na seixueeñena' naquii' n'o^onyâ, cha cantyja 'naaⁿ juu na caxuee'ñeeⁿ nnda^a nnta'jnaaⁿâ na t'maⁿ cwiluiiñê nc'e mañejuu na xuee'ñeeⁿ matseixueeñena' nnom Jesucristo.

Jaa laxmaaⁿya cha'cwijom ncuaa ts'ocachu

⁷ Juu nayawaañe na jeeⁿ jndana', la'xmaaⁿyâ juuna' naquii' seii'â na joo seii'â matseijomna' cha'cwijom ncuaa ts'ocachu. Luaa' waa cha nleitquioo'ya na cwicandaꝯ cwil'aayâ ts'iaaⁿmeiiⁿ nc'e Ty'oots'om mañequiaaⁿ na jndaayâ, meiⁿ nchii ncjooꝯyâ waa na cwila'xmaaⁿyâ. ⁸ Jo' chii meiⁿ na jndye nnom na ñe'catseic'oo'na' jâ, saa cwinaⁿndyô, meiⁿ niom na ñe'canchjena' jâ, saa ndicwaⁿ m'aaⁿyâ na quit'maⁿ n'ooⁿyâ Ty'oots'om. ⁹ Jndye nn'aⁿ cwintyjo jâ saa tyoo'ndii Ty'oots'om jâ. Cwitmeiiⁿndyena jâ nnom tyuaa, saa ndicwaⁿ m'aaⁿtyaayâ. ¹⁰ Meiⁿnyuucheⁿ na cwitsaayâ, ñequio seii'â nmeiiⁿ cwitjooⁿyâ na ñe'catseicwjeena' jâ cha'xjeⁿ seicuee'na' Ta Jesús. Luaa' waa cha mati m'moⁿna' na la'xmaaⁿyâ juu na wando'xcoom. ¹¹ Ee yocheⁿ na cwitandoo'â, 'io ndi 'io ñe'catseicwjeena' jâ nc'e na m'aaⁿyâ cantyja 'naaⁿ Jesús, cha mati cantyja 'naaⁿyâ ñequio seii'â nleitquioo' na la'xmaaⁿyâ juu na wando'xcoom. ¹² Quia jo' meiⁿ wi' cwitjooⁿyâ na ñe'catseicwjeena' jâ saa cantyja 'naaⁿ jo', 'o la'xmaⁿyo' na cwitando'yo' ñ'eⁿ Ty'oots'om.

¹³ Naquii' ñ'oom' Ty'oots'om na teiljeii matsona': "Matseyiu'a ñ'eⁿ Ty'oots'om, jo' chii macwji'yuu'ndyô cantyja 'naaⁿaⁿ." Mati jâ cwilayu'ya n'ooⁿyâ ñ'eⁿñê ndo' cwilanaaⁿyâ cantyja 'naaⁿ jo'. ¹⁴ Ee manquiuuyaayâ na nquii Ty'oots'om na tquiaaⁿ na tando'xco Jesús jnda na tue', nnts'aa na nntandoo'xcooyâ ñ'eⁿñê, ndo' ñecwii tmaaⁿ nncjachom 'o ñ'eⁿndyô jâ yuu na m'aaⁿ. ¹⁵ Cha'tso nawi'meiⁿ na

cwiwinoo^{nyâ} ts'iaa^{na}' na cateijndeiina' 'o, cha na majndye nn'aⁿ nnto'ñoomna naya na matseixmaⁿ Ty'o^{ots}'om, ndo' na ljo' jndye joona nñequiana na quianl'uaa^{na}' cha catseit'maaⁿ'ñena' jom.

¹⁶ Jo' chii tica'ndyenc'uaa'ndyô ee meiiⁿ na jaaju'cjena' seii'â saa 'io ndi 'io cwiwiteiiⁿxco naquii' n'o^o'yâ. ¹⁷ Ee joo nawi' na cwi^{tjoo}'nyâ je' ñequio seii'â, cwe' chjootindyo joona', tiyocheⁿ cwiwinoo^{nyâ} joona' ndo' cantyja 'naaⁿ jo' cwican-daaya cwii na tintycwii na matseit'maaⁿ'ñena' jaa na juu jo' t'ma^{nti} ndo' jndati tseixma^{na}', nchiiti cha'tso nmeiⁿ. ¹⁸ Ee tiquitjaa'ndyô cwenta na wi' na tquioo' na cwi^{tjoo}'nyâ. Cwiquaa^{nyâ} cwenta joo 'naⁿ na tileicanty'iaaya, ee joo na cwinty'iaayâ, ticaljotye^{na}', saa joo na titquioo' m'aaⁿ ndo' m'aaⁿ.

5

Nnto'ñoo^{nyâ} seii'a na xco

¹ Seii'a nmeiiⁿ la'xma^{na}' cha'cwijom cwii w'aa na cwe' cwantindyo chu waana'. Ndo' manquiuyu xaⁿ nntyuii' juuna' jndaⁿ seijndaa'ñe Ty'o^{ots}'om w'aa na xcona' jo cañoom'luee na ticantycwii na waana', na nchii nn'aⁿ l'a juuna'. ² Ee mayuu' yocheⁿ na cwitandoo'a ñequio seii'a nmeiiⁿñe, cwila'ncjoo'ndyô ee queeⁿ n'o^o'nyâ na nnc'o^o'nyâ w'aaxco na waana' cañoom'luee, ³ ee na nla'xmaa^{nyâ} juuna', nntseijomna' jaa cha'cwijom ts'aⁿ na cwee liaa', nchii cha'na ts'aⁿ na ñecasei'ñe. ⁴ Seii'a nmeiiⁿ na laxma^{na}' cha'cwijom w'aa yuu na cwic'aa^{nyâ}, jaawi'ndaa'na', jo' cwilancjoo'ndyô ndo' matsei'ndaa'na' nquiuyu ee nchii cwe' na

ñeca'ndyaaya seii'a na n'ndiina' jaa cha'cwijom ñecantsei'ndyo, saa nc'e na ñe'cwaã'a seii'a na xcona', cha juu na laxmaa'nya na cwiwi'ndaa' ndo' na 'oowje cwitsuuñ'e'na' nc'e na laxmaa'nya na ticantycwii na cwitandoo'a. ⁵ Nquii Ty'ooots'om jnda seijndaa'ñê na nluii na luaa', ndo' cha na m'mo'na' na nntseicandaa'ñê juuna', jnda tquiaa' Espíritu Santo naquii' n'oo'ya, cwii na ma'mo'na' na cwiljotype' ñ'oom na jnda tsoom.

⁶ Jo' chii cwiñ'omt'maa'ndyo n'oo'ya na yoche' na ndicwa' tandoo'a ñequio seii'a nmeii', tyooto'ñoo'ya w'aaya, ñecatsona' na tic'oo'ya ñequio nque' na cwiluiiñê na matsa'ntjoom jaa. ⁷ Ee cwitsam'aa'ntyaaya nc'e na cwila'yuy'ya cwii n'oo'ya ñ'e'ñê, nchii nc'e na cwinty'iaandaaya jom. ⁸ Saa m'aa'nya na quit'ma' n'oo'ya Ta Jesús ndo' nl'ueyaya n'oo'ya na tacatandoo'tyaaya ñequio seii'a nmeii' cha nnda' nntandoo'a yuu na m'aa'. ⁹ Jo' chii cha'tso na cha'tso na cwil'aaya, cwijoo' n'oo'ya na ñequii'che' cal'aaya yuu na cwijaawee'ntyjee', meii' na cwitsam'aa'ntyaaya ñ'e' seii'a nmeii', oo meii' na jnda 'ndyaaya juuna'. ¹⁰ Ee cha'tsondyo nncwintyjaa'a jo nnom Cristo na nncu'xee' jaa, cha cwii cwiindyo nnto'ñoo'ya cantyjati na jnda ñel'aa xje' na ñet'oo'ya ñequio seii'a, aa na maty'iomyana' ndo' aa na tia.

Cwiljoya ts'om Ty'ooots'om ñ'e'ndyo nc'e Cristo

¹¹ Nc'e na nntu'xe'ndye nn'a', jo' chii cwijoo' n'oo'ya na quiandy'e nn'a' cantyja 'naa'a'. Nquii Ty'ooots'om ntyjii'ndaa'ñê chiuu n'oo'ya ndo' ntyjaa' n'oo'ya na mati 'o. ¹² Tinc'oom' n'om'yo'

na ñe'calat'maaⁿndyo cheⁿncjooyâ ndaa'yo'. Já cwe' cwiñequiaayâ na wanaaⁿ na c'om'yo' na jnda nquiu'yo' já, cha ndaa nla'lcwe'yo' ñ'oom ndaa nn'aⁿ na cwilas'andye cantyja chiuu na cwiwitquioo', nchii cantyja chiuu tseixmaⁿ ts'aⁿ naquii' ts'om. ¹³ Ee meiiⁿ cwilue nn'aⁿ na jnda teintjeiⁿndyô, luaa' laxmaaⁿyaâ nc'e Ty'ooots'om, ndo' xeⁿ laxmaaⁿyaâ ts'aⁿ na yaa', luaa' waa cha' cateijndeina' 'o. ¹⁴ Juu na m'aaⁿ Cristo na candya' ts'oom já cwiluiiñena' cwii na matsa'ntjomna' ee nquiuuyaayâ na tueeⁿeⁿ cwentaa cha'tsondye nn'aⁿ, jo' chii cha'tsondyo cwiluiindyo l'oo. ¹⁵ Tueeⁿeⁿ cwentaa cha'tsondye nn'aⁿ cha joo nn'aⁿ na cwitando'na tic'omtina cantyja na l'ue n'om nquieena, saa catando'na cantyja 'naaⁿ nqueⁿ na tueeⁿeⁿ ndo' tando'xcoom cwentaana. ¹⁶ Jo' chii je' tacotjeii'â cwenta chiuu tseixmaⁿ ts'aⁿ cha'xeⁿ nn'aⁿ tsjoomnancue cwitjeii'na cwenta chiuu tseixmaⁿ cwii x'iaana. Tyowaa cwii tiempo maluaa' tyotjeii'â cwenta chiuu tseixmaⁿ Cristo saa je' tacol'aayâ na ljo'. ¹⁷ Jo' chii ts'aⁿ na matseitjoom'na' juu ñequio Cristo, cwiluiiñe ts'aⁿ na jnda tuiiñe xco. Cha'tso na tijo'ndyo na ñeseixmaaⁿ jnda teinom, cha'tso cantyja 'naaⁿaⁿ laxmaⁿ xcona'.

¹⁸ Nquii Ty'ooots'om mach'eeⁿ ts'iaaⁿmeiⁿ, majom maqueeⁿ jaa na cwiljoya ts'oom ñ'eⁿndyo nc'e Cristo ndo' maty'ioom ts'iaaⁿ jaa na quiandye nn'aⁿ na caljoya ts'oom ñ'eⁿndyena. ¹⁹ Luaa matsona': Cwiljoya ts'om Ty'ooots'om ñ'eⁿ nn'aⁿ nc'e Cristo, meiⁿ ticwjaa'ñê cwenta na la'xmaⁿna jnaⁿ, ndo' ty'ioom ts'iaaⁿ ndaayâ na ññequiaayâ ñ'oom ndaa nn'aⁿ na cwiljoya ts'oom ñ'eⁿndyena.

20 Je' cwiluiindyô nn'aⁿ na cwila'candii 'o ñ'oom na matseicwanom Cristo na m'aⁿyo'. Maty'iomna' na nquii Ty'o_ots'om matseity'ooñê ndaa'yo' ñequio ñ'omndyuaayâ. Jo' chii ñequio xuee' Cristo cwila'ty'oondyô ndaa'yo' na caljoya n'om'yo' ñ'eⁿ Ty'o_ots'om. ²¹ Cristo meiⁿcwii jnaⁿ tîcatseixmaaⁿ, saaⁿ nc'e na candya' ts'om Ty'o_ots'om jaa, jo' na s'aa na matseixmaaⁿ jnaⁿ cha jaa na matseitjoom'na' ñ'eⁿñê ndaaⁿ nla'xmaaⁿya cantyja na maty'iomyana' cha'xjeⁿ na macaⁿna'.

6

¹ Nc'e na cwiluiindyô nn'aⁿ na cwil'a ts'iaaⁿ ñ'eⁿ Ty'o_ots'om, cwil'aayâ ty'oo ndaa'yo' na til'a'yo' na ticato'ñoom'yo' naya na matseixmaaⁿ. ² Ee naquii' ñ'oom' Ty'o_ots'om na teiljeii matsoom:

Jndiiaa ñ'oom na tsu' n_ooⁿ juu xjeⁿ na tjawee' ts'o_oⁿ ñ'eⁿndyu'.

Teijndeiya 'u juu xuee na seijndaa'ndyo na nncwji'n'maaⁿndyo 'u.

Cala'n_oⁿyo' ñ'oomwaa' na tso Ty'o_ots'om. Je' cwiwee' xjeⁿ na ñecateijneiⁿ 'o. Je' xcwe xjeⁿ na jeeⁿ ñ'e'cwji'n'maaⁿñê 'o.

³ Meiⁿcwii tiquil'aayaayâ cha catseilcwe'na' ts'om ts'aⁿ, tints'aana' na tia ñ'oom cwiwineiⁿ cantyja 'naaⁿ ts'iaaⁿ na cwil'aayâ. ⁴ Na cha'tso na cwil'aayâ cwijoo'ya n'o_oⁿyâ na m'moⁿna' na cwiluiindyô nn'aⁿ na cwindye'ntjomtyeⁿ nnom Ty'o_ots'om, na jndye nnom nawi' na cwiwin_oⁿyâ, m'aaⁿyâ na t'maⁿya n'o_oⁿyâ, ñequio na matseitjoona' na nleil'uee'ndyô ndo' cantyja 'naaⁿ cwii cwii nnom najndeï'na' na mat'uiina' jâ, ⁵ cwi_tjo_oⁿyâ na cwicach_oⁿâ

cwil'a nn'aⁿ, ndo' na cwitioomna jâ l'aancjo. Quia waa tacwaxua ndyueena cjooyâ. Ndo' mati m'aa^{nyâ} na jndei'na' na cwil'aayâ ts'iaaⁿ cha'na meiⁿquiandyo ts'aⁿ na m'aaⁿ moso. Ndo' na macwji'na' tsantsjom ndaayâ ndo' mati cwitjoo^{nyâ} na matseitjoo^{na} ljo' nntquiaayâ, ⁶ mati cwit'moo^{nyâ} na cwiluiindyô nn'aⁿ na cwindye'ntjomtyeⁿ nnom Ty'oots'om cantyja 'naaⁿ na lju' na cwitsaam'aa^{nyâ} ndo' mati na cwila'noⁿâ ñ'oom na mayuu' ndo' na m'aa^{nyâ} na nioom' n'oo^{nyâ} ñequio nn'aⁿ, ndo' na ya nn'aⁿndyô quio joona, ma'mo^{na} na ljo' nc'e m'aaⁿ Espiritu Santo ñ'eⁿndyô, ndo' cantyja 'naaⁿ na xcwee'ya n'oo^{nyâ} na wi' n'oo^{nyâ} nn'aⁿ, ⁷ ma'mo^{na} na ljo' nc'e xcwee' n'oo^{nyâ} na cwiñequiaayâ ñ'oom na mayuu', cwiluii na ljo' ñequio najndei na matseixmaⁿ Ty'oots'om. Ntyjaya ndo' ntyjatymaⁿ cwiwill'uee'ndyô l'ots'iaaⁿ na maty'iomyana'. ⁸ Quia waa cwila't'maaⁿndye nn'aⁿ jâ, quia waa ticuee' n'omna jâ. Quia waa cwiluena na ya nn'aⁿndyô, ndo' quia waa cwiluena na tia nn'aⁿndyô. Quia waa cwiluena na cantundyô meiiⁿ ñ'oom na mayuu' cwilanaa^{nyâ}. ⁹ Waa xjeⁿ na cwil'a nn'aⁿ ñ'eⁿndyô cha'cwijom la'xmaa^{nyâ} nn'aⁿ na tjaa 'ñeeⁿ cwajnaaⁿ meiiⁿ jndye nn'aⁿ m'aⁿ na cwita'jnaaⁿna jâ. Waa xjeⁿ teincuu' m'aa^{nyâ} na ñe'cala'cwjeena jâ saa ndicwaⁿ cwitandoo'a, cwicachoo'â saa tyoowjaayâ. ¹⁰ Meiiⁿ na maniom na matseichjoo'na' n'oo^{nyâ} saa m'aa^{nyâ} na neii^{nyâ}. Meiiⁿ na jneeⁿndyô saa cantyja 'naa^{nyâ} maque^{na} jndye nn'aⁿ na tyandyena jo nnom Ty'oots'om. Meiiⁿ na

meiⁿchjoo tjaa na cwileiñ'ooⁿyâ, saa cha'tsoñ'eⁿ la'xmaⁿna' cwentaayâ.

11 'O nn'aⁿya na cwila'yu'yo' na m'aⁿyo' tsjoom Corinto, tyoonquio'nn'aaⁿyâ 'o, ndyeyu cwilanaaⁿyâ ndaa'yo'. Tyoola'cuu'â ndaa'yo' chiuu m'aaⁿ n'ooⁿyâ ñ'eⁿndyo'. 12 Meiⁿcwii tyooch'eena' na wandii' n'ooⁿyâ ñ'eⁿndyo'. Saa xeⁿ laxmaⁿyo' na wandii' n'om'yo' ñ'eⁿndyô quia jo' ncjo'yo' waa chiuu cantyja 'na'yo'. 13 Cha'xjeⁿ nquii tquie ts'aⁿ matseineiⁿ ndaa ntseinda, mats'aa ty'oo ndaa'yo', c'om'yo' na jnda nquiu'yo' ja cha'xjeⁿ jnda ntyjiiya 'o.

Cwiluiindyô wa'ts'om 'naaⁿ Ty'oots'om na wando'

14 Tilax'iaa'ndyo' ñequio nn'aⁿ na tyoolayu', ee xeⁿ luaa' cwil'a'yo' tixotseiljoyuna' 'o ñ'eⁿndyena. Ee nn'aⁿ na cwil'a yuu na maty'iomyana' xondaã nlajomndyena ñequio juu na matseixmaⁿ natia. Meiⁿ nn'aⁿ na cwila'jomndye ñequio na cwiluiiñe naxuee xondaã nla'x'iaa'ndye ñequio na tseixmaⁿ najaaⁿ. 15 Ee xotseitjoom'na Cristo ñequio Satanás. Ndo' mati ts'aⁿ na matseyu', xondaã nntseitjoom'na' jom ñequio cwii ts'aⁿ na tyootseyu'. 16 Nn'aⁿ na cwiluiindyê waa' Ty'oots'om, ¿aa nndaã nleijom ñ'oom joona ñequio nn'aⁿ na cwila't'maaⁿndye 'naⁿ na nchii jom cwiluiindyena'? Ee 'o cwiluiindyô wats'om 'naaⁿ Ty'oots'om na wando', cha'xjeⁿ tsoom:

Ja nnc'ooⁿ naquii' n'omna, ndo' nnconooⁿya quii'ntaaⁿna.

Ja nntseixmaⁿya Ty'oots'om cwentaana, ndo' joona nluindyena tmaaⁿ cwentaya.

17 Ndo' na luaa' waa, mati waa cwiicheⁿ ñ'oom'm na teiljeii na matso nqueⁿ na cwiluiiñê na matsa'ntjoom jaa. Matsoom:

'O je', calui'yo' quii'ntaaⁿ nn'aⁿ na tia nn'aⁿndye.

Catjei'ndyo' cantyja ljo' laxmaⁿ naⁿñeeⁿ.

Meiⁿ tant'ue'yo' 'naⁿ na tilju' tseixmaⁿ.

Xeⁿ nmeiⁿ nla'nda'yo' quia jo' nloñ^o'ya 'o.

18 Ndo' nntseixmaⁿya Tsotye'yo'.

Ndo' mati 'o nla'xmaⁿ'yo' ntseindaaya na naⁿnom ndo' naⁿlcu.

Nmeiiⁿ ñ'oom na tso nqueⁿ na matseixmaaⁿ na catsa'ntjoom jaa na tjacantya na cwiluiiñê najneiⁿ.

7

1 'O nn'aⁿya na jeeⁿ wi' ts'o^o'ya, nc'e na la'xmaaⁿya ñ'oommeiⁿ na jnda tso Ty'o^ots'om na nnts'aaⁿ, jo' chii macaⁿna' na cala'lju'ndyo cantyja 'naaⁿ cha'tso na matseicw'aa'ñena' seiⁿ'a ñequio n'o^o'ya. Ndo' ñequio na nquiaaya na nc'oom na ticjawee' ntyjeeⁿ ñ'eⁿndyo, canda^a' quiandyoñ'aaⁿ cha'tso na l'ue ts'oom.

Neiiⁿ Pablo na joo nn'aⁿ Corinto tioo' n'omna ñ'eⁿñê

2 Cwa quiandyo' na nntseitjoom'nnda'na' jâ ñ'eⁿndyo'. Jâ meiⁿjom ndii' tyool'aayâ nawi'ndyo ñ'eⁿndyo'. Meiⁿ tyoola'tjo^ondyo^o nnom meiⁿcwiindyo' 'o, meiⁿ na nñe'nqui^o'nn'aaⁿya^o 'o. 3 Saaⁿ nchii luaa' matsjo^o na matseitia'a 'o ee jnda ñetsjo^o na m'aⁿ'yo' naquii' ts'o^o'ya meiiⁿ na nntando^o'â oo meiiⁿ na nncwjaayâ ñ'eⁿndyo'.

4 T'maⁿ waa na t'maⁿ ts'o^o'ya 'o ndo' jeeⁿ neiⁿya

'o. Quii'ntaaⁿ cha'tso nawi' na cwiwinooⁿya tileicantycwii na m'aaⁿya na neiⁿya.

⁵ Ee cantyjati na squiaayâ ts'oondaa Macedonia, tileiquiaana' na nnta'jndyaayâ ee lomañjaaⁿ jndye nnom na tyoco'wi'na' jâ, tyolawendye nn'aⁿ nacjooyâ ndo' macaty'uaya. ⁶ Saa nquii Ty'oots'om na mañequiaaⁿ na t'maⁿ n'om nn'aⁿ na m'aⁿ na chjoo' n'om, manquiiyeeⁿ tquiaaⁿ na t'maⁿ n'ooyâ na tyjee'cañoom Tito jâ, ⁷ ee nchii macandâ cwe' na tyje'cañoom jâ, saa mati nc'e na tquia'yo' na neiiⁿeⁿ na tyom'aaⁿ ñ'eⁿndyo'. Ee seicañeeⁿ na jeeⁿ ñe'canty'ia'yo' ja, ndo' na tia nquiu'yo' ljo' na tuii quii'ntaaⁿyo'. Mati tsoom na tyojoo' n'om'yo' na nla'candâ'yo' ñ'oom na seijndo'a n'om'yo'. Ndo' quia na jndiia na ljo', t'maⁿti tiao na neiⁿya.

⁸ Ee meiiⁿ na juu carta'ñeeⁿ seichjoo'na' n'om'yo', saa tico'tiana' ntyjii na ljo' s'aa ee jnda ljeiya na cwe' chjootindyo s'aana' na tco'tiana' nquiu'yo', ⁹ saa je' neiⁿya na seicwanoⁿya juuna' meiⁿ nchii na seichjoo'na' n'om'yo' na tquiaana' na neiⁿya, tquiaana' na neiⁿya na 'o tiao' n'om'yo', na jo' jo' tjawee' ntyjii Ty'oots'om. Ndo' na luaa' tqiuoo'ya na nchii s'aaya cwii nnom na seilcwe'tya'na' 'o. ¹⁰ Ee quia na mañequiaa Ty'oots'om na matseichjoo'na' ts'om ts'aⁿ cwii na ticatsa'ntjomna' na mach'ee, luaa' mach'eeⁿ cha nlcwe' ts'om ts'aⁿ, cha ndaa nncwji'n'maaⁿñê juu. Ndo' na luaa' mach'eeⁿ meiⁿ xocatso tsaⁿñeeⁿ na cwe' ts'iaaⁿndyo na lcwe' ts'om. Saa nn'aⁿ na tyoola'yu' meiiⁿ jnaⁿ na laxmaⁿna mach'eeⁿ na chjoo' n'omna, maxjeⁿ tiñe'calcwe' n'omna. Ndo' cwe' jnaaⁿ jo' cwitsuundye añmaaⁿna.

11 Queⁿyo' cwenta juu na tyom'aⁿyo' na chjoo' n'om'yo' teil'uee'ñe Ty'o^ots'om. Juuna' s'aana' na tqueⁿndyo' na jla'jndaa'ndyo'. S'aana' na jla'lioo'ndyo' na luaa' s'aa tsaⁿñeeⁿ ndo' t'om'yo' na nquia'yo' xeⁿ chiuu nnts'aa Ty'o^ots'om ñ'eⁿndyo'. Mati s'aana' na ñe'canty'ia'yo' ja ndo' tqueⁿtyeⁿyo' na cjameintyjeeⁿeⁿ natia na s'aaⁿ.

12 Quia jo' nchii cwe' tomti cantyja 'naaⁿ juu ts'aⁿ na seitjo^oñe, jo' na seiljeiya carta'ñeeⁿ, meiiⁿ nchii cwe' cantyja 'naaⁿ tsotyeeⁿ na jlui'jnaaⁿñe, saa seiljeiya juuna' cha' jo nnom Ty'o^ots'om nnt-seica'moⁿyana' na 'o jnda nquiu'yo' ja. 13 Ndo' na maljeiya na ljo', tquiaana' na ty'o^ont'maaⁿndyo ts'o^oⁿ.

Majndeiticheⁿ quia na ljeiya na jla'ñ'oom'ndyo' Tito ts'iaaⁿ na tjaaⁿ na m'aⁿyo'. Ndo' na teijn-dei'yo' jom mati tquiaana' na neiⁿya nc'e s'aana' ntyjeeⁿ cha'cwijom na m'aaⁿ waⁿaⁿ. 14 Meiⁿ ticalui'jnaaⁿndyo quia na tjei's'aya 'o nnoom, na tsjo^oya na ntyjiyaya na 'o nla'canda^a'ndyo' ñ'oom na nntsoom, ndo' cha'xjeⁿ jlui'yuu' cha'tso ñ'oom na jnda tjei'yuu'ndyo ndaa'yo', mati cha'tso ñ'oom na jnda l'uuyâ nnoom cantyja 'naⁿyo', jnda jlui'yuu'na'. 15 Ndo' nc'e na luaa', jn-dati ntyjeeⁿ 'o na majaañjoom' ts'oom na ty-ola'canda^a'ndyo' ñ'oom na tsoom ndaa'yo', na ñequio na tyotue'ndyo'cje'yo' ndo' na cwicatyue' neiⁿyo'. 16 Jeeⁿ ndyaa' neiⁿya na canda^a'ya nnda^a nnc'o^ont'maaⁿndyo ts'o^oⁿya ñ'eⁿndyo'.

8

S'om na nnteijndeina' nc'iaana na cwilayu'

1 Ndo' je' 'o nn'aa^{nyâ} na cwila'y^{u'}yo', l'ue n'oo^{nyâ} na caliu'yo' cantyja 'naa^{n'} naya na mach'ee Ty'oots'om ñequio ntmaa^{n'} nn'aⁿ na macwjee^{n'e} cwentaa^{n'a} na m'aⁿna ts'oondaa Macedonia. 2 Ee jona meiiⁿ jndye nnom nawi' na jaa'na' na cwiwinomna, m'aⁿna na neiiⁿna, ndo' meiiⁿ na jeeⁿ nty'iaandyena saa ndoo' ntyjii ts'aⁿ na tyandyena na tinc'uaa' tquiana s'om na nnteijndeina nn'aⁿ na matseitjoona'. 3 Macwji'yuu'ndyo cantyja 'naaⁿna ee tquiana ñequio na xcwee' n'omna, ndo' meiⁿ titomndyo tquiana ee maxjeⁿ ljo' l'ue n'omna. 4 Jndye ty'oo tyol'ana ndaayâ na nnta'ncueeyâ na nla'jomndyena na nnteijndeina nn'aa^{nyâ} na cwila'y^{u'} Jerusalén. 5 Meiⁿ nchii l'ana cha'xjeⁿ na jla'tiuuyâ, ee tquiandyejndyena naquii' l'o Ta Jesús na caluii ñ'e^{ndyena} yuu na macaⁿna', nda jo' jluena ndaayâ na cal'uuyâ chiuu l'ue ts'om Ty'oots'om na cal'ana. 6 Nc'e na luaa' waa, l'aayâ ty'oo nnom Tito na catseicandaãñê ts'iaaⁿ nayawaañe na to'jñeeⁿ quii'ntaaⁿ'yo' na cwila'tjom'yo' s'om'ñeeⁿ. 7 Ee 'o jndye nnom cwiwitquioo' na 'o ma'naⁿ'ti'yo' nchiiti nt'omcheⁿ nn'aⁿ na cwila'y^{u'}: 'O t'maⁿti waa na cwila'y^{u'}ya n'om'yo' ñ'eⁿ Ty'oots'om. 'O jndyendyo' ya cwit'moⁿ'yo' ñ'oom'm ndaa nt'omcheⁿ. 'O xcweti cwila'noⁿ'yo' cantyja 'naaⁿ'aⁿ. 'O queeⁿti n'om'yo' na cwindye'ntjom'yo' nnoom. 'O jnda nqui'yo' ñ'e^{ndyô}. Nc'e na nmei^{n'} la'xmaⁿ'yo', jo' chii matsona' na mati nncwinom'yo' nt'omcheⁿ nn'aⁿ na cwilayu' na t'maaⁿ'ti ññequia'yo' na nnteijndeina' nc'iaa'yo' na cwila'y^{u'}.

8 Na matsjoõ ñ'oomwaa', nchii na matsa'ntjoⁿya

'o chiuu cal'a'yo'. Saa ñequii'cheⁿ l'ue ts'ooⁿ na caliu'yo' na nt'omcheⁿ nn'aⁿ queeⁿ n'omna na cwil'ana na ljo'. Ndo' na nla'jomndyo' m'moⁿyana' na xcwee' n'om'yo' na jnda nquiu'yo' naⁿñeeⁿ.
 9 Ee macwila'nqⁿ'yo' cantyja 'naaⁿ juu naya na matseixmaⁿ Ta Jesucristo. Ee meiiⁿ ñet'oom na tja-cantyja na tyañê cañoom'luee, saa nc'e na jeeⁿ can-dya' ts'oom 'o s'aañe cheⁿnqueⁿ na nty'iaa'ñeñ'eeⁿ. Ndo' na ljo' s'aaⁿ maqueeⁿ 'o na cwiluiindyoy' na tyandyoy' jo nnom Ty'oqots'om.

10 Matsjoo ndaa'yo' chiuu waa na m'aaⁿ ts'ooⁿ cantyja 'naaⁿ ñ'oomwaa' cha cateijndeiina' 'o. Ee 'o machu'cheⁿ jla'tiuu'yo' na ñe'cateijndei'yo' nn'aⁿ Jerusalén ndo' xjeⁿñeeⁿ jla'catoy' na nla'tjom'yo' s'om. 11 Jo' chii cjoo' n'om'yo' na nla'candaⁿ'ndyo' ñ'oomwaa', ee tyom'aⁿ'yo' na queeⁿ n'om'yo' na ññequia'yo' s'om na nnteijndeiina' nn'aⁿ na cwila'yu' jo' jo', cha'xjeⁿ na s'aana' naquii' n'om'yo' quia jo', jo' quia'yo' cantyjati na cwileiñ'om'yo'. 12 Ee xeⁿ na mayuu' na l'ue ts'om ts'aⁿ na ññequiaa cwentaa' Ty'oqots'om, jom maco'ñoom na maleiñ'oom ts'aⁿ, nchii macaaⁿ na ticuaa l'o ts'aⁿ.

13 Meiⁿ nchii matsjoo na cateijndei'yo' nt'omcheⁿ nn'aⁿ cha na catseitjoona' na cwileil'uee'ndyo'. 14 Maty'iomna' na tjoom' cateijndei nn'aⁿ nc'iaana na cwila'yu'. Je' 'o na majndaa'ti m'aⁿ'yo' maxjeⁿ ndaaⁿ nnteijndei'yo' nn'aⁿ Jerusalén 'naⁿ na matseitjoona' joona, cha cwiicheⁿ ndii' quia na ndaaⁿ nliu joona mati ndaaⁿ nnteijndeiina yuu na matseitjoona' 'o, ndo' na luaa' nl'a'yo', ñe'cwii xjeⁿ nnteijndeiina' 'o ñ'eⁿndye joona, 15 cha'xjeⁿ matso ñ'oom'

Ty'oots'om na teiljeii: “Ts'aⁿ na majndye maná tyocañe^{nl}, tîtseicwaljoo'na', ndo' mati juu ts'aⁿ na tijndye tyocañe^{nl}, tîcatseitjoona' jom.”

Tito ñequio nn'aⁿ na cwiteijndei jom

¹⁶ Mañequiaya na quianl'uaa' Ty'oots'om cantyja 'naa^{nl} nn'aa^{nya} Tito. Ee cha'xjeⁿ na m'aa^{nl} ts'ooⁿ chiuu nnteijndeyta 'o, maluaa' m'aa^{nl} ts'oom cantyja 'na^{nyo}!. ¹⁷ Ee neii^{ne} quia tsjooya nnoom na cjaacanty'iaa'nnaa^{na} 'o. Ndo' nc'e na queeⁿ ts'oom na ñe'cateijneiⁿ 'o, jo' chii mawjaacando'nnaa^{na} 'o ee mati jom l'ue ts'oom na ljo'.

¹⁸ Ñ'eⁿ Tito cwijñoo^{nyâ} cwiicheⁿ nn'aa^{nya} na matseyu'. Quii'ntaaⁿ ntmaa^{nl} nn'aⁿ na macwji' Ty'oots'om cwentaa^{na} waa ñ'oom na jeeⁿ ya mañequiaa tsa^{nl} ñeeⁿ ñ'oom naya 'naa^{nl} Ty'oots'om. ¹⁹ Ndo' nchii macandã na luaa' waa. Joo ntmaa^{nl} nn'aⁿ na macwji' Ty'oots'om cwentaa^{na} ndyuaameiiñe, jnda ty'ioomna ts'iaaⁿ jom, na nncjaañ'eeⁿ ñ'e^{ndyô} quia nntsaayâ Jerusalén na nntsaaca'ndyaayâ s'om na cwil'a'yo' naya na^{nl} ñeeⁿ, na cantyja 'naa^{nl} jo' matseit'maa^{nl} ñena' Ty'oots'om ndo' m'mo^{na} na ñe'cateijndeiya na^{nl} ñeeⁿ. ²⁰ We ndyeendyô ñecwi nntsaayâ Jerusalén cha tjaa 'ñeeⁿ nntseitiuu na tis'a cwil'aayâ ñ'eⁿ s'om'ñeeⁿ. ²¹ Ee nchii macandã jo nnom Ty'oots'om cwique^{ndyô} na nl'aayâ yuu na maty'iomyaana', saaⁿ mati jo ndaaⁿ nn'aⁿ.

²² Ñequiondye joona cwila'cwanoo^{nyâ} cwiicheⁿ nn'aa^{nya} na jndye nnom na mach'eeⁿ ma'mo^{na} ndaayâ na jeeⁿ queeⁿ ts'oom ts'iaaⁿ 'naa^{nl} Ty'oots'om ndo' je' majndeiiticheⁿ na luaa' ee

cantyja 'naⁿ'yo' mañ'oom t'maaⁿ'ñê ts'oom. ²³ Xeⁿ m'aaⁿ ts'aⁿ na mawax'lee ñeeⁿ cwiluiñe Tito, candu'yo' na cwiluiñê x'iaya. Matseijomñê ñ'eⁿndyo na cwindye'ntjooⁿyâ ndaa'yo'. Ndo' xeⁿ cwita'x'lee nn'aⁿ cantyja 'naaⁿ nt'omcheⁿ naⁿm'aⁿ candu'yo' na ntmaaⁿ nn'aⁿ na macwji' Ty'o^oots'om cwentaaⁿ'aⁿ cwijñoomna naⁿm'aⁿ ts'iaaⁿ 'naaⁿ'aⁿ ndo' matseit'maaⁿ'ñena' Cristo cantyja 'naaⁿna. ²⁴ Jo' chii cat'moⁿ'ndyeyu'yo' na mayuu'cheⁿ jnda nqui'yo' naⁿm'aⁿ cha caliu ticwii cwii tmaaⁿ nn'aⁿ na macwji' Ty'o^oots'om cwentaaⁿ'aⁿ. Ee na nl'a'yo' na ljo', cha'tsondye nn'aⁿ na cwila'yu' nliuna na ticantundyô na cwitjeii'â ñ'oom na jeeⁿ ya cwila'canda^a'ndyo'.

9

Nla'tjomna s'om na nl'ana naya nc'iaana na cwila'yu'

¹ Cantyja 'naaⁿ na nla'tjom'yo' s'om na nl'a'yo' naya nn'aⁿ na macwji' Ty'o^oots'om cwentaaⁿ'aⁿ, meiⁿ tacaⁿna' na nntseiljeityaya ñ'oommeiⁿ. ² Ntyjiiyaya na queeⁿ n'om'yo' na nntei'jndei'yo'. Jnda ñetjeii's'aya 'o ndaaⁿ nn'aⁿ ñjaaⁿ ts'on^ondaa Macedonia na 'o na m'aⁿ'yo' ts'on^ondaa Acaya, machu' jla'jndaa'ndyo' na nntei'jndei'yo'. Ndo' majndye nn'aⁿ ts'on^ondaa Macedonia mati ñe'catei'jndeiina nc'e 'o jeeⁿ queeⁿ n'om'yo' ñ'oom'ñeeⁿ. ³ Sa^a meiiⁿ na luaa', majñooⁿya naⁿm'aⁿ na nnc'oona na m'aⁿ'yo' cha ticats'aana' na tiyuu' ñ'oom ya na jnda tsjooya cantyja 'naⁿ'yo', cha na c'omc'eendyo' cha'xjeⁿ na jnda tsjo^o nda^ana. ⁴ Ee quia na nntsquia^aya na

m'aⁿ'yo' ñequio nn'aⁿ Macedonia na nnc'oo ñ'eⁿndyo, ndo' xeⁿ nleitquioo' na tic'omc'eendyo' ñequio s'om'ñeeⁿ, jeeⁿ t'maⁿ nlui'jnaaⁿ'ndyo, ndo' mati 'o. ⁵ Nc'e na ljo' matsona' na caⁿ'a ndaa nn'aaⁿya nmeiiⁿ na nnc'oojndyeena na m'aⁿ'yo' na nla'canda^a'ndyo' s'ommeiⁿ' na jnda jndu'yo' na ññequia'yo'. Ndo' na luaa', joo s'ommeiⁿ' cwiñequia'yo' joona' ñequio na xcwee' n'om'yo', nchii cwe' na jndeiⁿ' ndyua^ayâ.

⁶ Saa cjaañjoom'ya n'om'yo' ñ'oomwaa na cwe' tjañoom': Juu ts'aⁿ na tijndye tsjaaⁿ manom', tit'maⁿ nntseiwe. Saa ts'aⁿ na maya tsjaaⁿ manom', majndyeti nntseiwe. ⁷ Quia jo' cwii cwiindyo' 'o catseitiuu cwanti na ññequiaa na nnteijndeiⁿ' ts'iaaⁿwaa'. Nchii ññequiaa ñequio najndei'na' oo na tixcwee' ts'om, ee cjaawee' ntyjii Ty'oots'om nn'aⁿ na cwiñequia 'naⁿ na waa luee ñequio na jnda nquiuna jom. ⁸ Ee jom canda^a'ya ndaa ññequiaaⁿ cha'tso na macaⁿ'na' 'o hasta waljoo'cheⁿ na nleil'uee'ndyo', ndo' mati ndaa nnteijndei'yo' nt'omcheⁿ. ⁹ Cha'xjeⁿ ñ'oom' Ty'oots'om na teiljeii na matsona':

Ty'oots'om ñequio na xcwee' ts'oom mateix'eeⁿ nn'aⁿ na nty'iaandye,

Cha'tso na maty'iomyana' na matseixmaaⁿ, m'aaⁿ ndo' m'aaⁿ'na'.

¹⁰ Jo' chii nquii Ty'oots'om na mañequiaaⁿ tsjaaⁿ na nnom' ts'aⁿ, ndo' na cwiwe' ntjom cha niom na lcwa' ts'aⁿ, ññequiaaⁿ na nleil'uee'ndyo' ndo' nleijndyena' cha ndaa nnteijndei'yo' nt'omcheⁿ nn'aⁿ na macaⁿ'na' joona. ¹¹ Ndo' na luaa', nleijndye 'naⁿ'yo' cha ñequio na xcwee' n'om'yo' ndaa nnteijndei'yo' nt'omcheⁿ nn'aⁿ. Ndo'

quia na nntsañ'ooⁿyâ tsjo'ñjeeⁿ na cwiñequia'yo' nnts'aana' na joo nn'aⁿ na matseitjoona' nñequiana na quianl'uaa' Ty'o^ots'om. ¹² Ndo' na ljo' nl'a'yo', nchii macanda na matseijndaa'ñena' ljo' na macaⁿna' naⁿñeeⁿ, mati nla't'maaⁿndyena Ty'o^ots'om na nluena na quianl'uaaⁿ'aⁿ cantyja 'naⁿyo'. ¹³ Joonā nla't'maaⁿndyena Ty'o^ots'om ee juu na cwiteijndei'yo' joonā m'moⁿna' ndaana na cwilacanda^andyo' chiuu cwit'mooⁿ ñ'oom naya 'naaⁿl' Cristo. Ndo' mati nla't'maaⁿndyena jom na jeeⁿ xcwee' n'om'yo' na cwiteijndei'yo' joonā ndo' mati nt'omcheⁿ nn'aⁿ na cwila'yu'. ¹⁴ Ndo' nc'e na ljo', nnts'aana' na nla'neiⁿna nnom Ty'o^ots'om na catio'naaⁿñê 'o. Nnc'omna na jnda nquiuna 'o nc'e cantyja 'naaⁿl' juu naya na matseixmaaⁿ, jo' na cwil'a'yo' naya joonā. ¹⁵ Quial'uaa' Ty'o^ots'om ee jnda tquiaaⁿ cwii na jeeⁿ cajnda na cwicandaaya na tjaa'naⁿ ñ'oom na nnda^a nlanā^ayā na nleixcwe na m'moⁿna' na ljo'.

10

Nc'e cwiluiñe Pablo apóstol, waa najndei na matseixmaaⁿ

¹ Ja Pablo, nc'e Cristo m'aaⁿ na candya' ts'oom jaa ndo' t'maⁿ ts'oom ñ'eⁿndyo waa na mats'aa ty'oo ndaa^a'yo'. Ee waa ñ'oom quia na m'aaⁿya ñ'eⁿndyo', jeeⁿ nioom' ts'o^o sa^a quia na tquia m'aaⁿya ñ'eⁿndyo', jeeⁿ s'andyo. ² Macaⁿ'a cwii naya'ñeeⁿ ndaa^a'yo' quia na jnda tuannda'a na m'aⁿ'yo', nt'omndyo' 'o na cwindu'yo' na mats'aa cha'xeⁿ cwil'a nn'aⁿ na tyoola'yu', til'a'yo' na nlcaⁿna' na nntseijndei' 'ndyo nacjo'yo'. Ee quia na jnda mam'aaⁿ quii'ntaaⁿ'yo' nliu'yo' na ti'maaⁿ

ts'ooⁿ na nntseijndeiⁱ 'ndyo nacjoo naⁿñeeⁿ. ³ Ee meⁱ na laxmaa^{nyâ} cha'xjeⁿ nt'omcheⁿ nn'aⁿ saa tiquila'jnda^{ayâ} cha'xjeⁿ cwil'a jooⁿ na cwila'jndaⁿ na cala'jomndye nn'aⁿ ñequio ñ'oom na cwiñequiana. ⁴ Ee l'o ts'iaaⁿ na cwiwil'uee'ndyô cha catyuiⁱ ts'iaa^{ntyē} na matseijndaa'ñe tsaⁿjndii tila'xmaⁿna' cha'xjeⁿ joo na cwiwil'uee'ndye nt'omcheⁿ nn'aⁿ. Juu najndeiⁱ na cwiluiñe Ty'o^{ots}'om, tseixmaⁿna' l'o ts'iaaⁿ 'naa^{nyâ} na nntseytyuiⁱna' najndeiⁱ na matseixmaⁿ tsaⁿjndii. ⁵ Ñequio najndeiⁱ na matseixmaⁿ Ty'o^{ots}'om cwila'tyuiⁱâ cha'tso ñ'oom na jndo' n'om nn'aⁿ na cwi'oo nacjoom'm. Ndo' mati meⁱquia na matseit'maaⁿñe cheⁿnquii ts'aⁿ, na juu jo' matseitsaaⁿñena' na nntsei'nqⁿ ts'aⁿ cantyja 'naaⁿaⁿ. Cha'tso cantyja na matseituu ts'aⁿ, mats'aa na cju'cjena' juu jo' cantyja 'naaⁿ Cristo, cha catseicanda^âñe ts'aⁿ jo nnoom. ⁶ Ndo' quia na jnda macwila'canda^â'ndyo'ñ'eⁿyo', m'aⁿc'a^{ayâ} na nnta'wii'a meⁱquia nn'aⁿ na cwila'wendye nacjooyâ.

⁷ 'O macanda cwe' ljo' na cwiwitquioo', jo' cwi^tjei'yo' cwenta. Meiⁿñeeⁿcheⁿ 'o na macwji' cwenta na m'aaⁿñe cantyja 'naaⁿ Cristo, matsona' na cwji'ya tsaⁿñeeⁿ cwenta na mati jâ majo' la'xmaa^{nyâ}. ⁸ Meiⁿ ticats'aana' na tia ntyjii na matseijndeiⁱ 'ndyo naquii' ts'iaaⁿ na matseixma^{nyā} na ty'iom Ty'o^{ots}'om ja. Ee tquiaaⁿ na matseixma^{nyā} na ljo' cha nnteijndeiina' na nntsana-jnda'yo' cantyja 'naaⁿaⁿ, nchii cha nlco'wi'na' 'o. ⁹ Meiⁿ ticatsona' na cwiindy^o 'o nnc'oom' ts'om na matseiljeiya cartameiⁿ cwe' cha catseicaty'uena'

juu. ¹⁰ Waa ñ'oom na cwilue nt'om nc'iaa'yo' na matseiteincuu'ndyo ndo' na jeeⁿ jnda ñ'oom cho carta 'na^{ny}a. Mati cwiluena quia mawa na m'a^{ny}o' quia jo' cwiwitquioo' na ja ts'aⁿ na meiⁿ cwe' ti'naaⁿ'to meiⁿ ti'na^{ny}a na nntseichu'a ñ'oom. ¹¹ Nquii ts'aⁿ na luaa' m'aaⁿ' ts'om, catsei'nooⁿ'oⁿ quia na jnda mam'aⁿtjooⁿ'a mati mañe'cwii xjeⁿ nnts'aa cha'xjeⁿ ñ'oom na teiljeii cjoo' cartawaañe.

¹² Tquie nn'aⁿ quii'ntaaⁿ'yo' na jeeⁿ neiⁿncoo' ñ'oom cwila'neiⁿna ndaaⁿ'yo' cantyja 'naaⁿ' chiuu cwila'xmaⁿ nquieena. Já xocal'aayâ na ljo'. Laxmaⁿna nn'aⁿ na cwe' cwil'ato quia na cwitjeii' cheⁿnquieena cwenta cantyja 'naaⁿna ñequio chiuu cwil'oom'aⁿ nt'omcheⁿ nc'iaana. ¹³ Saa tixocwinooⁿ'â na nla't'maaⁿ'ndyo cheⁿncjooyâ cantyja 'naaⁿ' ts'iaaⁿ na laxmaaⁿ'yâ. Já ñequii'cheⁿ nlanaaⁿ'yâ cantyjati na matseijndaa'ñe Ty'oⁿoots'om ee jom tquiaaⁿ na squiaⁿ'cañoⁿ'yâ 'o na m'a^{ny}o' tsjoom Corinto. ¹⁴ Jo' chii quia cwil'uuyâ na Ty'oⁿoots'om ty'ioom ts'iaaⁿ já na cala'candiiyâ 'o cantyja 'naaⁿ' Cristo, tyoowinooⁿ'â meiⁿ na wanaaⁿ na nla't'maaⁿ'ndyo cheⁿncjooyâ. Ee majâ squiaⁿ'cañoⁿ'jndyaayâ 'o ñequio ñ'oom naya'ñeeⁿ.

¹⁵ Meiⁿ tixocal'uuyâ na cwentaa já ts'iaaⁿ na jnda mach'ee cwiicheⁿ. Já wandyo' cwil'aayâ. Cwicantyyaa' n'ooⁿ'yâ na juu na cwilayu'ya n'om'yo' ñ'eⁿ Ty'oⁿoots'om, nleit'maⁿ'tina' cha' cantyja 'naaⁿ' jo' nncjaawit'maⁿ'ti ts'iaaⁿ 'naaⁿ'aⁿ na cwil'aayâ quii'ntaaⁿ'yo', saa na nluii naljo' cha'xjeⁿ na matseijndaa'ñê. ¹⁶ Quia jo' ndaa nntsañ'ooⁿ'yâ ñ'oom naya 'naaⁿ'aⁿ ndaa nn'aⁿ na tquiati m'aⁿna ñequio tsjom'yo' yuu na tyoondyena juuna'. Ee naljo' nntseitsaaⁿ'ñena'

na l'uuyâ na ts'iaaⁿ na mach'ee cwiicheⁿ ts'aⁿ tseixmaⁿna' ts'iaaⁿ na l'aa jâ.

17 Jo' chii ts'aⁿ na ñe'catseit'maaⁿñe cheⁿnquii, catseit'maaⁿñe cantyja na mach'ee Ty'oots'om ñ'eⁿñe. 18 Ee nchii matseit'maaⁿñena' ts'aⁿ quia na matseijndei cheⁿnquii na jeeⁿ cwijaacanjoom' cantyja 'naaⁿ. Matseit'maaⁿñena' juu quia na macjaawee' ntyjii Ty'oots'om ñ'eⁿñe.

11

M'aⁿ nn'aⁿ na tiyuu' na cwiluiindyena apóstoles

1 Toom cwe' na nnc'omt'maaⁿndyo' n'om'yo' ñ'eⁿndyo na nntseināⁿ cha'xjeⁿ ts'aⁿ na cwe' matseineiⁿto. Cwa, cal'a'yo' na ljo'. 2 Ee m'aaⁿya na xuaya 'o cha'xjeⁿ nquii Ty'oots'om m'aaⁿ na xueeⁿ 'o. Ee seijndaa'ndyo ñomca 'naⁿ'yo' ñequio nquii Cristo. Ndo' ñe'catiooya 'o l'ooⁿ na nla'xmaⁿ'yo' cha'cwijom cwii yuscundyua na tyoom'aaⁿ ñ'eⁿ tsaⁿs'a. 3 Eva tquiu'nn'aⁿ catsuu jom cantyja na jndo' ts'omyo'. Mati macat'ua na joo ñomtiuu 'naⁿ'yo' nnquiu'nn'aⁿna' 'o, nnts'aana' na nla'tquiōō'ndyo' ñequio na xcwe c'oom ts'aⁿ na candya' ts'om Cristo. 4 Ee 'o cwiljoya n'om'yo' ñ'eⁿ nn'aⁿ na cwe' cwiquieya na m'aⁿ'yo' na cwila'neiⁿna ndaa'yo' cantyja 'naaⁿ cwiicheⁿ Jesús, tanchii nquii Jesús na tyoñequiaayâ ñ'oom' ndaa'yo'. Ndo' wandyo' espírtu na cwito'ñoom'yo', tanchii nquii Espírtu Santo na to'ñoom'yo'. Ñ'oom na cwiñequia naⁿñeeⁿ cantyja chiuu na nlui'n'maaⁿñe añmaaⁿ ts'aⁿ, wandyo' juuna' ñequio ñ'oom na tyoñequiaayâ ndaa'yo'. 5 Naⁿñeeⁿ na cwiquie'cañom 'o na

cwiluena na joona cwiluiindyena apóstoles na tjacantyja, saa meiⁿchjoo ticats'aana' ntyjii na cjeti matseixmaⁿya ñ'eⁿndye joona. ⁶ Ee meiiⁿ na aa ti'naⁿya na ya nntseinchu'a ñ'oom cha'xjeⁿ joona, saa xcweya ñ'oom mantyjiiya cantyja 'naaⁿ Jesucristo ndo' juu jo' jnda t'mooⁿndyeyuuyâ ndaa'yo' cantyjati cha'tso na tyol'aayâ.

⁷ Tîcwantjoⁿya na tyoñequiaya ñ'oom naya 'naaⁿ Ty'ooots'om ndaa'yo', ndo' nc'e na ljo' ¿aa mach'eeⁿ na ndoo' nquiu'yo' na jeeⁿ seitjoondyo ndaa'yo' na tju'ndyocjâ cha nluuit'maⁿndyo' 'o? ⁸ Nt'omcheⁿ ntmaaⁿ nn'aⁿ na macwji' Ty'ooots'om cwentaaⁿaⁿ tquiana s'om na tcaⁿna' ja. S'om'ñeeⁿ teil'uee'ndyo cha ndaa' ndi'ntjoⁿya ndaa'yo'. ⁹ Xjeⁿ na ñet'o^onya quii'ntaaⁿyo' ndo' na ñeseitjoona' ja, tîcju'a xuu nacjo'yo'. Ee nn'aⁿ na cwila'yu' na m'aaⁿ Macedonia tquiecanomna ja, tquiana s'om na seitjoona' ja. Na cha'tsoñ'eⁿ seiindo na tîcatio^o xuu nacjo'yo', ndo' ñecwitco na nnts'aa na ljo'. ¹⁰ Cha'xjeⁿ ñ'oom na mayuu' cantyja 'naaⁿ Cristo m'aaⁿna' ñ'eⁿndyo, jo' chii meiⁿcwii ts'aⁿ ts'ondaa Acaya xonndaa nnts'aa na nntseitsaaⁿñe na macwji's'andyo' na neiⁿya na mats'aa naljo'. ¹¹ Ndo' na luaa' matsjoo, ¿aa nla'tiuuto'yo' na tiwi' ts'o^onya 'o? Mantyjiiicheⁿ Ty'ooots'om na wi' ts'o^onya 'o.

¹² Saa xuee na cwiwjaatina' jots'aa cha'xjeⁿ jnda ñes'aa cha nntseitsaaⁿñena' na nntjeii's'andye cheⁿnquiee naⁿñeeⁿ na cwiluena na ljo'yu cwil'ana ts'iaaⁿ 'naaⁿ Ty'ooots'om cha'xjeⁿ na cwil'aayâ. ¹³ Ee naⁿm'aⁿ nchaal'uuyuu' na apóstoles joona, la'xmaⁿna nn'aⁿ na cwe'

cwinquio'nn'aⁿ. Jooná cwe' cwil'ayana na cwiluiindyena nn'aⁿ na cwindyentjom nnom Cristo. ¹⁴ Meíⁿ ticats'aana' na jeeⁿ m'aaⁿ n'om'yo' na nmeiⁿ cwil'ana ee mati Satanás mach'eeyaaⁿ na cwiluiiñê cwii ángel na caxueeñe. ¹⁵ Nc'e na luaa' ts'oom, mati nn'aⁿ na cwindye'ntjom nnoom, cwe' cwil'ayana na m'aⁿna cantyja na maty'iomyana', saá na macandá nnt'uiityeⁿna' joona cantyjati na jndá ñel'ana.

Nc'e na cwiluiiñe Pablo apóstol, jndye nawi teinoom

¹⁶ Matsjooⁿnda'a tila'tiuu'yo' na ja ntjeiⁿndyo, saá xeⁿ na ljo' cwil'a'yo', quiandyo' na nntseinaⁿ cha'na ts'aⁿ na ntjeiⁿñe cha nncju'naaⁿñena' na nncwji's'andyo cantyja 'naⁿya. ¹⁷ Ñ'oom na matsjoo, nchii ñ'oom na sa'ntjom Ta Jesús na catsjoo^ya. Cwe' na matsjoo nncó ee mat'uiina' cantyja na macwji's'andyo. ¹⁸ Nc'e jndye nn'aⁿ m'aⁿ na cwitjeii's'andye cha'na cwil'a nn'aⁿ tsjoomnancue, mati ja nncwji's'andyo cantyja 'naⁿya. ¹⁹ Ndoo' nquiu'yo' na jeeⁿ jndo' n'om'yo' ee na cwindye'yo' ñ'oom na cwiñequia naⁿntjeiⁿm'aⁿ. ²⁰ Ee cwiljoya n'om'yo' quia cwil'a naⁿñeeⁿ na cwindye'ntjom'tyeⁿyo' ndaana, quia cwitjeii'na 'naⁿyo', ndo' quia cwitmeiⁿna nda'watmeiⁿ ndaa'yo'. ²¹ Meiiⁿ na jeeⁿ jnaaⁿa na nntsjo^o na ljo', saá tileic'óⁿ t'maaⁿndyô n'ooⁿya na nl'aayâ cha'xjeⁿ cwil'a naⁿñeeⁿ.

Meiiⁿ na matseinaⁿya cha'na ts'aⁿ na jndá tein-tjeiⁿñe, saá yuu na wanaaⁿ na cwila't'maaⁿndye naⁿñeeⁿ, mati wanaaⁿ na ljo' nnts'aa ja. ²² Jooná, ¿aa cwiluiindyena nn'aⁿ hebreos? Mati ja majo'

cwiluiindyō. ¿Aa nn'aⁿ na jndyowicantyjoo' tsjaaⁿ Israel joona? Mati majo' ja. ¿aa tsjaaⁿ Abraham na jndyowicantyjoo' joona? Majo' ja. ²³ Joona, ¿aa cwiluiindyena nn'aⁿ na cwindye'ntjom nnom Cristo? Ntyjii na matseināⁿ cha'na ts'aⁿ na nt-jeiⁿñe, saa ja t'maⁿti ts'iaaⁿñeeⁿ mats'aa, nchi-iti joona. Majndyete ndii' jla'sei' nn'aⁿ ja jnaaⁿ na mañequiaya ñ'oom' Ty'oōts'om. Jndyete ndii' tuee' nn'aⁿ ja w'aancjo n'e na mandi'ntjoⁿya nnom Cristo. Ndo' jndye ndii' waa na teincuu' na nntseicuee'na' ja. ²⁴ 'Om ndii' tyola'sei' nn'aⁿ judíos ja na cwii cwii ndii' na l'ana na ljo', ntquiuunchoo'nqui waljoo' ñjeiⁿ ndii' tioona 'na' ja. ²⁵ Ndyee ndii' tyotjaa' nn'aⁿ romanos ja ñ'eⁿ n'ooml'eii. Cwii ndii' tyotmeiiⁿ nn'aⁿ ljo' ja. Ndo' ndyee ndii' seijomna' na tyuii' w'aandaa xjeⁿ na wa'ñjōⁿya ts'om ndaaluee. Cwii ndii' tyowantyjo nnom ndaaluee meiⁿchaa' xuee ndo' meiⁿchaa' tsjom. ²⁶ Na jndye joo manōōⁿya ts'iaaⁿ 'naaⁿ Ty'oōts'om, jndye ndii' maco'wi'na' ja na cwicw-je' jndaa. Ndo' mati teincuu' quia na matjom-ndyō naⁿcanty'ue. Quia waa nquiee nn'aⁿya nn'aⁿ judíos cwil'ana na teincuu' m'aaⁿya, ndo' quia waa majo'ti cwil'a nn'aⁿ na nchii judíos. Quiju'na' na waa na teincuu' cjoya naquii' njoom, ndo' mati jo ndo' jndaa. Quia waa teincuu' m'aaⁿna' na mawity'ioya ndaaluee, ndo' mati quii'ntaaⁿ nn'aⁿ na cwe' cwil'aya na cwila'yu'. ²⁷ Quia waa na matseicwejndyaa'ndyōñ'aⁿ naquii' ts'iaaⁿ 'naaⁿ Ty'oōts'om. Quia waa maquiina' ja ndo' macwji'na' tsaⁿtsjom nōōⁿ. Majndye ndii' m'aaⁿya na tileicaljeiya ljo' na nlquiaⁿya ndo' na jaa' m'aaⁿna' na ñec'ua ndaa. Ndo' jndye ndii' mawe-

jndo'a. Quia waa teiⁿ m'aa^{ny}a na matseitjooⁿa' liaa na nlcwaya.

²⁸ Ndo' wandyo' nmeiⁿl, 'io ndii 'io jaawa jaacue na m'aaⁿl m'aaⁿl ts'ooⁿ cantyja 'naaⁿl cwii cwii tmaaⁿl nn'aⁿ na macwji' Ty'o^ots'om cwentaaⁿaⁿ.
²⁹ Ee quia na m'aaⁿ ts'aⁿ na tijndeii' ts'oom cantyja na matseyoom'm mati mach'eena' na tijndo cantyja na matseyu'a. Quia na cwinajndeii jnaⁿ ñ'eⁿ cwii nn'a^{ny}a na matseyu', matjoⁿ na jnaaⁿa ndo' matseilioo'ndyo. ³⁰ Xeⁿ macaⁿna' na nntseit'maaⁿndyo cheⁿnncō, nntseina^{ny}a cantyja 'naaⁿl joo na cwi't'mooⁿna' na ticwi'na^{ny}a. ³¹ Nquii Ty'o^ots'om na cwiluiiñê Tsotye Ta Jesucristo cwentaa^ya, mantyjeeⁿ na matseina^{ny}a ñ'oom na mayuu'. ³² Quia ñet'o^ony^a tsjoom Damasco, nquii Aretas tyom'aaⁿ gobiernom. Jom ty'ioom ts'iaaⁿ cwii ts'aⁿ Damasco na saⁿtjom na cat'ue sondaro ja xjeⁿ na jocaluii'a 'ndyoots'a nnom tsjoom'ñeeⁿ.
³³ Saa jla'c'oⁿ nn'aⁿ ja cwii mantana tatsiaⁿ nnom tsjoom na wa'njoo^{ny}a cwii tsquieel'o^o. Ndo' laa'ti' jlui'n'maaⁿndyo naquii' l'o tsaⁿmaⁿts'iaaⁿñeeⁿ.

12

'Naaⁿ na tco'na' nnom Pablo

¹ Tjaa'naⁿ naya 'naaⁿl ts'aⁿ na macwji's'añe cheⁿnquii, saa nntseinaⁿtya cantyja 'naaⁿl joo na tco'na' no^on ñ'eⁿ joo ñ'oom na t'moⁿ Ta Jesucristo no^on. ² Wajnaⁿa cwii ts'aⁿ na matseyu' ñ'eⁿ Cristo. Jnda^a' canchoo'ñequiee chu na tjañ'oom Ty'o^ots'om tsaⁿñeeⁿ cañoom'luee na jnda ndyee. Aa ndiñ'eⁿ seiiⁿeⁿ oo aa ticañ'eⁿ, jo' ticaljeii, Ty'o^ots'om ntyjii. ³ Ntyjiiya na tja tsaⁿñeeⁿ jo'

jo', ¿aa ndiñ'eⁿ seiiⁿeⁿ oo aa ticañ'eⁿ? jo' tical-
jeii, Ty'o^ots'om ntyjii, ⁴ saa tjañ'oomna' tsaⁿñeeⁿ
paraíso yuu na m'aaⁿ nquii Ty'o^ots'om. Jo' jo' jndii
tsaⁿñeeⁿ ñ'oom na cwe' wanty'iuu' m'aaⁿna' na
ticwanaaⁿ na nntseiteincoo' ts'aⁿ jooⁿa'. ⁵ Nnda^a
nntseit'maaⁿndyo cantyja 'naaⁿl cwii ts'aⁿ cha'na
tsaⁿñeeⁿ, saa cantyja 'naⁿya tixotseit'maaⁿndyo,
macanda^a nntseit'maaⁿndyo cantyja 'naaⁿ joo na
cwit'mo^oⁿna' na ticwi'naⁿya. ⁶ Meiiⁿ xeⁿ na nnt-
seit'maaⁿndyo cantyja 'naⁿya, tixocats'aana' na
tseixmaⁿya cha'xjeⁿ ts'aⁿ na meiⁿ cwe' tijndo'to
ts'om ee ñ'oom na mayuu' matseinaⁿ, saa tixo-
cats'aa na ljo', cha titseitiiuu ts'aⁿ na t'maⁿ cwilui-
indyo, nchiiti cantyja na cwindyena na matseinaⁿ
oo na mats'aa.

⁷ Joo nmeiⁿl na tco'na' no^oⁿ na jeeⁿ t'maⁿ
la'xmaⁿna', cha nntseicu'na' na nntseis'andyo na
cwii nnom na nty'ia, nc'e jo' jnaⁿna' na tyoqui-
ina' ja cha'cwijom ndii' tsioom quii' seii' ts'aⁿ,
luaa' s'aa Satanás cha co'wi'na' ja. ⁸ Ndyee
ndii' tcaaⁿ'a nnom Ta Jesús na cwjeeⁿeⁿ juu
nawiñeeⁿ. ⁹ Saa nqueⁿ tsoom no^oⁿ: “Juu naya
na matseixmaⁿya, macwiiwijndeina' cantyjati na
macaⁿna' 'u, ee t'maⁿti cwiwitquioo' juu najndo
quia na mateijndeiya ts'aⁿ yuu na tileicanda^a
nnts'aaⁿ.” Luaa' tsoom. Jo' chii m'aaⁿya na
neiⁿya ndo' matseit'maaⁿndyo meiiⁿ na nquiu
nn'aⁿ na cje mats'aa, cha juu najndei na cwiluiñe
Cristo nleitquioo' na m'aaⁿna' ñ'eⁿndyo. ¹⁰ Jo'
chii m'aaⁿya na neiⁿya meiiⁿ na cje mats'aa, meiiⁿ
cwila'jnaaⁿl nn'aⁿ ja, meiiⁿ na matseitjoona' na
nleil'uee'ndyo, meiiⁿ cwintyo nn'aⁿ ja, ñequio joo
na wi' na mawino^oⁿya nc'e na cwiluiindyo cwen-

taa' Cristo. Ee quia na majucjena' ja, saa cantyja 'naaⁿaⁿ m'aaⁿya najndo.

M'aaⁿ' ts'om Pablo cantyja 'naaⁿ nn'aⁿ Corinto na cwila'yu'

¹¹ Na nmeiiⁿ matseinaⁿya, maty'iomna' cantyja 'naⁿya na tseixmaⁿya ts'aⁿ na tijndo'to ts'om saa 'o cwil'a'yo' najndei'na' na catsjooya na ljo'. Ee matsona' na 'o ya ñ'oom nntjei'yuunⁿdyo' cantyja 'naⁿya. Ee meiiⁿ ja tit'maⁿ cwiluiindyō saa tjaa'naⁿ cwii nnom na tit'maⁿ tseixmaⁿya ñequio joo apóstoles na cwindu'yo' na jeeⁿ t'maⁿ cwiluiindyē.

¹² Quia na tyom'aaⁿya quii'ntaaⁿyo', tyom'aaⁿ niomchaⁿya xjeⁿ na teil'uee'ñe Ty'oots'om ja na tyoch'eeⁿ 'naaⁿ ñequio ts'iaaⁿ t'maⁿ na tixocaluiina' cantyja najndei nquii ts'aⁿ, niom ts'iaaⁿ na tuii na tquaana' na tyojaawee' n'om'yo' ndo' cha'tso nmeiⁿ tyot'mooⁿndyeyuna' na cwiluiindyō apóstol quii'ntaaⁿyo'.

¹³ Cantyja 'naⁿyo' ñequio nt'omche ntmaaⁿ nn'aⁿ na macwji' Ty'oots'om cwentaaⁿaⁿ, ñecwii xjeⁿ mats'aaya ñ'eⁿndyo' cha'xjeⁿ ñequio joona. Macandā tîcaⁿaⁿ na catei'xe'yo' ja. Calat'maⁿ n'om'yo' ja na mach'eena' nquiu'yo' na cantyja 'naaⁿ jo' seitjoondyo ndaa'yo'.

¹⁴ Je' matseijndaa'ndyo na nnda ndyee ndii' na majocandoo'nnda'a 'o. Meiⁿ xocaⁿa na nntei'xe'yo' ja ee nchii mal'uaya 'naⁿyo', mal'uaya na 'o ncwantjoⁿya ee matsona' na nquiee tquie nn'aⁿ nla'catsuundyena cwentaa ndana, nchii ndana nnteix'ee joona. ¹⁵ Ndo' ñequio na xcwee'ya ts'oōⁿ hasta meiiⁿ na nntseicatsuuya cha'tso na matseixmaⁿya, mati meiiⁿ cha'waa cantyja 'naⁿya

cha na nnteijndeina' añmaaⁿ'yo'. Ndo' nnts'aa naljo' meiiⁿ 'o ticajnda nquiu'yo' ja saa ja t'maⁿ wi'ts'ooⁿya 'o.

16 Tîcatiōo xuu 'o na catei'xe'yo' ja, saa nt'omndyo' 'o cwitjei'yo' cwenta na ta'ntjoⁿya 'o ñequio cwii na tquiu'nn'aⁿna' 'o cha'cwijom tyuu'ndyo' ñ'eⁿ cwii teiⁿco'. 17 ¿Aa nnts'aacheⁿna' cwitjei'yo' cwenta na tquiu'nn'aⁿya 'o ñequio cwii nn'aⁿya na jñooⁿya na m'aⁿ'yo'? 18 Tcaaⁿ'a nnom Tito na cjacanty'iaaⁿ'aⁿ 'o ndo' jñooⁿya cwiicheⁿ nn'aaⁿya na matseyu' ñ'eⁿñê. ¿Aa nnts'aacheⁿna' na tquiu'nn'aⁿ Tito 'o? ¿Aa tiyuu' na wendyô ñecwii xjeⁿ m'aaⁿ' n'ooⁿya?

19 Nndaā nnts'aana' na cwila'tiuu'yo' cwe' na jeeⁿ cwila'cajñoom'ndyô ndaa'yo' saa tiyuu' naljo'. Cantyja 'naaⁿ' ñ'loomwaa', wandyo' waana', ee ntyjii Ty'oots'om ñ'loom na cwilanaāⁿya ndaa'yo' ndo' na cwila'xmaaⁿya cwentaa' Cristo. Jo' chii 'o nn'aⁿya na jeeⁿ wi' ts'ooⁿya, cwil'aayâ na ljo' cha nnteijndeina' 'o na nntsanaajnda'yo'. 20 Ee macaty'uaⁿ xeⁿ na nncuacañooⁿnnda'a 'o nndaā nnts'aana' na xocaljeiya 'o cha'xjeⁿ na ntyjaa' ts'ooⁿ, meiiⁿ 'o xocaliu'yo' ja cha'xjeⁿ na ntyjaa' n'om'yo'. Nquiaya na nljeiya na cwila'ntja'ndyo', na cwila'taa' n'om'yo' nc'iaa'yo', cwilawjee'yo' joona, cwitjei'ya'ndyo' cheⁿncjo'yo', ndo' cwilaneiⁿ'yo' cantu nacjoona, na cwitio'ñ'oom'yo' joona, na cwitjei's'andyo', cwitjei'lcundyo' cheⁿncjo'yo' ndo' na tixcwe m'aⁿ'yo' cha'xjeⁿ matsona' na c'om'yo'. 21 Matseicaty'uena' ja quia na ncuacañooⁿnnda'a 'o, nquii Ty'oots'omya nnts'aaⁿ na nlui'jnaaⁿ'ndyo' quii'ntaaⁿ'yo' ndo' na nntseity'ioona' ja cantyja 'naaⁿ jndyendyo'

'o na jaach'ee xuee cwila'tjoondyo' nnoom meiⁿ tyoolcwe' n'om'yo' jnaⁿ'yo', na tilju' tsaam'aⁿ'yo' jo nnoom, na ndicwaⁿ cwim'aⁿ'ya'yo' ñequio nn'aⁿ ndo' na cwila'queeⁿ n'om'yo' chiuu tseixmaⁿ tsjoomnancue.

13

Ñ'oom na macandá na matseijndo' Pablo n'omna

¹ Je' jnda ndyee ndii' na majocandoo'a 'o. Ñ'oom' Ty'oots'om na teiljeii matsona' quia na m'aⁿ we ndyee nn'aⁿ na manquiujndaa'ndye cwii nnom na matsei'tjooñe ts'aⁿ, maxjeⁿ nnt'uiityeⁿna' tsaⁿñeeⁿ. ² Quia na ñet'ooⁿya ñ'eⁿndyo' na jnda we tsjooya na xoc'ooⁿya na t'maⁿ ts'ooⁿya ñequio nn'aⁿ na ndicwaⁿ cwila'tjoondye. Je' cwitjoocheⁿ na nncuandaa'a na m'aⁿ'yo', mañejuu ñ'oom'ñeeⁿ matsjoo tixoc'ooⁿ na t'maⁿ ts'ooⁿ ñequio naⁿñeeⁿ, ³ ee 'o cwil'ue'yo' cwii na ma'moⁿna' quia matseinaⁿya ndaa'yo', matseineiⁿ nguii Cristo. Ee quii'ntaaⁿ'yo' nchii cwiluiiñê na tijneiⁿ na nnt'ueiiⁿ 'o. Nqueⁿ waa najneiⁿ quii'ntaaⁿ'yo'. ⁴ Ñ'oom na mayuu' na ty'ioom nn'aⁿ jom ts'oom'naaⁿ cha'cwijom ts'aⁿ na tijndei matseixmaⁿ, saá wanoom'm nc'e najndei na cwiluiiñê Ty'oots'om, ndo' mati já na cwilajomndyô cantyja na tijndei ñeseixmaaⁿ, cha nc'e jo', mati nntandoo'â ñ'eⁿñê nc'e najndei na matseixmaⁿ Ty'oots'om cha nteijndeina' 'o.

⁵ Catjei' cheⁿncjo'yo' cwenta aa xcwee' n'om'yo' jo nnom Ty'oots'om, cha nleitquioo' ¿aa cwila'yu'ya n'om'yo' ñ'eⁿñê? Queⁿ'ya'yo'

cwenta cantyja 'naaⁿ'yo'. Xeⁿ leiqueⁿ'yo' cwenta na m'aaⁿ Jesucristo quii' n'om'yo' quia jo' ¿aa chii ma'moⁿ'na' na cwiluiindyoy' nn'aⁿ na cwe' cwila'yu'to? ⁶ Saa ntyjaa'ya cwii ts'ooⁿ'ya na nla'nqⁿ'yo' na jâ nchii cwila'xmaaⁿ'yâ nn'aⁿ na cwe' cwila'yu'to. ⁷ Cwitaⁿ'yâ nnom Ty'o^ots'om na til'a'yo' 'naⁿ natia, nchii cwil'uuyâ naljo' cha nleitquioo' na jâ jlui'yaayâ jo', cwil'uuyâ cha nl'a'yo' 'naⁿ na maty'iomyana'. Tints'aa meiiⁿ 'o cwitjei'yo' cwenta na tixcwe cwil'aayâ. ⁸ Ee xocandaⁿ nntsaayâ nacjoo' ñ'oom na cwiluiiñena' na mayuu'. Ñequii'cheⁿ cwilajomndyô cantyja 'naaⁿ juuna'. ⁹ M'aaⁿ'yâ na neiiⁿ'yâ quia na laxmaaⁿ'yâ na tijndaⁿ'yâ cha na m'moⁿ'na' na 'o laxmaⁿ'yo' na jndaⁿ'yo' cantyja 'naaⁿ Cristo. Ñecwitco cwitaⁿ'yâ na nlaxmaⁿ'yo' na candaⁿ'ndyoy' jo nnom Ty'o^ots'om. ¹⁰ Waa najndei na matseixmaⁿ Cristo na juu jo' mañequiaaⁿ na matseixmaⁿ'ya cha cateijndeiina' 'o na nntsanajndaⁿ'yo' cantyja 'naaⁿ'aⁿ, nchii cha na catseityuii'na' na cwiluiindyoy' cwentaⁿ'aⁿ. Matseiljeiya cartawaañe na nnto'ñoom'yo' cha quia na jndaⁿ tuaya quii'ntaaⁿ'yo', meiⁿ ticaⁿ'na' na nleil'uee'ndyoy' najndei na matseixmaⁿ'ya na cat'uiina' 'o.

Matseit'maaⁿ'ñe Pablo Ty'o^ots'om

¹¹ Ñ'oom na macandaⁿ, 'o nn'aⁿ'ya, c'om'yo' na neiⁿ'yo'. Calajndaⁿ'yo' na nla'xmaⁿ'yo' na candaⁿ'ndyoy' jo nnom Ty'o^ots'om. Quia'yo' na t'maⁿ n'om nc'iaa'yo'. C'om'yo' na ya nn'aⁿ'ndyoy' ñequio joona na tjaa'naⁿ tia' cacho'yo' ñ'eⁿndyena. Quia jo' nquii Ty'o^ots'om na m'aaⁿ na candya'

ts'oom jaa ndo' na mañequiaaⁿ na tjaa ñomtiuu c'ooⁿya jo nnoom, nnc'oomñê ñ'eⁿndyo'. ¹² Cwii cwii x'iaa'yo' na matseyu' cataⁿ'yo' ts'ooⁿ na cwiñequia'yo' na xmaⁿñê nc'e na jnda nquiu'yo' jom. ¹³ Cha'tsondye nn'aⁿ na m'aⁿ ñjaaⁿ na la'xmaⁿ cwentaa' Ty'o^ots'om cwila'cwanomna na xmaⁿndyo' 'o.

¹⁴ Juu naya na matseixmaⁿ Ta Jesucristo, ñequio juu na m'aaⁿ Ty'o^ots'om na candya' ts'oom jaa, ñequio nquii Espíritu Santo na m'aaⁿ naquii' n'ooⁿya, ñequii'cheⁿ cala'xmaⁿ'yo' cha'tso nmei'. Amén.

Ñ'oom xco na tqeⁿ ty'oots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)

copyright © 1999 Wycliffe Bible Translators, Inc.

Language: Amuzgo, Guerrero

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files
dated 29 Jan 2022

f19bf10d-b9f4-54f8-aa78-06ee36e6a7cd